


ISAACI VOSSII
DE
SIBYLLINIS


Aliisque quæ Christi natalem præcessere
Oraculis.

A C C E D I T

*Ejusdem responsio ad Objectiones nuperæ
Criticæ Sacræ.*



OXONIÆ
E Theatro S H E L D O N I A N O,
M D C L X X I X.



Doctissimo & eximio viro,

THOMÆ BRUNONI.

Capellæ Regiæ

WINSORIENSIS

Canonico S. P.

ISAACUS VOSSIUS.

Ni te plus oculis meis amarem

N*Osti reliqua, & jam puto intelligis, quid de Saturnalitio tuo sentiam munere. In tam frigida anni tempestate, potuisset mihi iste tuus semirabinus aliquam asferre gravedinem, sed jam pridem inficeti hujus seculi adsuetus ineptiis, saluus evasi. Licet vero bonas aliquot in eo evoluendo horas perdiderim, temporisque jactura, ut Philosophi sentiunt, sit omnium gravissima; non uno tamen profuit commodo; nam non bonorum tantum librorum jucundiorum mihi fecit lectionem, sed & laborantem & prostratum jam pridem ita restituit appetitum, ut etiam fastidita placeant, & quælibet quantumvis licet mediocria, optima tamen & præstantissima esse videantur. Cum*
Rab.

Rabbinista iste totus in eo sit ut antiquitatem Grammaticæ Rabbinicæ & punctorum adstruat vocalium; attamen ne unius quidem eruditi, & ne vel Rabbinus alicujus antiquioris potuit adducere suffragium, cujus auctoritate sua confirmet deliria. Postquam omnium apicum genera, formas & figuras magno percurrit conatu, nec quidquam se proficere sentit, tandem ad divum se convertit Hieronymum, ejusque producit verba interpolata nequissime. Ubi enim ille mentionem facit accentuum, qui in Tetraplis & Hexaplis Origenis apponebantur Hebraico sermoni Græcis descripto literis, ille pro accentibus puncta supposuit. Quin & ejusdem Hieronymi locum adducit, qui occurrit in quæstionibus seu traditionibus Hebraicis, quique in plerisque editionibus sic concipitur; Denique Hebræi quod sequitur: & nescivit cum dormisset cum ea & cum surrexisset ab ea: appungunt desuper, quasi incredibile, & quod rerum natura non capiat, coire quempiam nescientem. Quamvis sensus satis sit apertus, consului nihilominus complura exemplaria manu exarata, ut viderem ecqua lectionum occurreret varietas, sed in omnibus sic scriptum inveni, nisi quod pro appungunt, habeant apponunt,

nunt, & quidem rectius. Remitto tibi librum, quo videas quo pacto homo iste hæc Hieronymi verba perverterit, & interpolarit. Sic enim illa producit, appungunt hanc vocem בקומה desuper puncto irregulari. Si pro solito tuo agas candore, non effugiet opinor, ut si in cæteris fatuus iste tibi videatur semirabbinus, in citandis saltem scriptorum locis pro insigni à te non habeatur nebulone. Mitto etiam duos aut tres alios libellos musteos, ut rideas & simul deplores miserum hoc tempore Academiæ in Germania statum, in quibus striges istæ Rabbinicæ tam late dominantur, ut qui istic vivunt eruditi sine suspicione hæreseos vix hiscere audeant. Mirum principes Germaniæ tantæ pesti non currere, & permittere ut Judaismus ita impune grassetur, & ut à Lutheranis ipse quoque Lutherus hæreseos damnetur, quod puncta Hebraica floccifecerit & pro commento habuerit Rabbinico. Fierine potest ut humaniores literæ feliciter tractentur, ubi Rabbinismus regnat, & ubi nulla excolitur theologia quæ non sit Rabbinica? Quid demum sperandum est ab illis, qui cum nec Græce, nec Latine, ac minus etiamnum Hebraice sciunt, ex omnibus nihilominus unam faciunt linguam, à nemine intelligendam,

dam, ne ab illis quidem qui eam procudunt, quam ipsam tamen velut sanctam & cœlestem, & Dei vernaculam, in scriptis, in pulpitis, doctis pariter & indoctis impudentissime obtrudunt? An non merito rideant nugivendi Judæi, cum tam multos inter Christianos inveniunt fatuos, qui futiles quovis pretio redimant merces, & Judæos libenter agnoscant magistros, dummodo permittatur ipsis esse semirabbini? Hæc sola gratia & hic solus sufficit titulus, ut magna pars Theologorum nostræ ætatis pleraque Rabbīnorum admittant commenta, omnesque versiones & quælibet sacrorum librorum interpretamenta ad Judæorum conformēt placita, adeoque quidem ut Christo & Apostolis, quam punctis malint non credere Rabbinicis. Et tamen vel paulo sagaciores norunt, ne sex quidem effluxisse secula, ex quo primum usurpari cœperint puncta ista vocalia, quibus hodierni Hebræi onerantur codices. Sciunt illi per integra tria vel quatuor secula acerrime inter se conflixisse Judæos, dum aliter sic, alii aliter inducendas esse contenderent vocales, & ne nunc quidem controversiam hanc fore sopitam, nisi Daniel Bombergus litem istam immenso diremisset pretio, conductis aliquot Judæorum

cen-

centuriis, in quibus alendis totum suum dilapidavit patrimonium. Istæ tamen vocales seu puncta, quæ primum Venetiis ex Bombergi officina in lucem prodierunt, illa ipsa sunt, quæ Christiani Rabbini tanquam cœlitus delapsa suspiciunt. At vero non desunt complures Judæi, qui istis minime acquiescant, quique infinitis mendis scaterere affirmant editiones Bombergianas, cum in aliis, tum quoque in eo, quod pluribus in locis eadem vocabula & iidem sensus non tamen iisdem signentur punctis vocalibus. Sed ex istis libellis, quos tibi mitto, præclaram sane hujus difficultatis cognoscas solutionem. Nempe Deum, cum Moysen & Prophetas alloqueretur, adeo raptim & præcipitanter fuisse locutum, ut non intelligeretur. Cum vero illi de velocitate ejus linguæ conquerebantur, tum demum Deum moderasse sermonis impetum, & singula verba guttatim iis annumerasse & hinc processisse duplicem istum punctorum ordinem. Scribis te mirari qui fiat, quod cum olim, præsertim in primitiva Ecclesia tot Judæorum millia ad Christianorum transierint partes, hodie tam pauci & pene nulli reperiantur, qui se persuaderi patiuntur. Verum si istiusmodi Judaicis credamus fabellis, & si in interpretandis sacris

cris

cris libris duces sequamur Rabbinos; an fieri aliter potest, ut non plures Christiani ad Judæos, quam Judæi ad Christianos se conferant? Profecto pro Judæis strenue magis Christiani, quam ipsi militant Judæi. Quod vero addis, si quis hodiernos Judæos iisdem aggrediatur argumentis quibus veteres usi sunt Christiani, libris videlicet Sibyllinis & similibus, omnem omnino defore successum, præsertim cum ne Christiani quidem ullis diutius credant Sibyllinis: id quidem verum est, sed hæc Christianorum est culpa, impune permittentium ut quælibet scripta & quælibet testimonia, quibus præcipue nostra nititur religio, veluti spuria & nullius fidei, non contemnantur modo, sed & palam explodantur & conculcentur. Quandoquidem vero causam à me postulas quæ me præcipue movet, ut Sibyllinis plurimum tribuam Oraculis, longeque de iis aliter sentiam, ac faciant nostri seculi homines, ut in cæteris, ita quoque in hoc morem tibi geram quam libentissime.

Londini CIOCLXXII
medio Decembri.

*Admonendus est lector hac quæ sequuntur serius
ad nostras pervenisse manus; nec ideo potuisse
suo quo debebant loco inferi, cum jam ante
ea reliquus liber excusus esset: quare
pag. 19. v. 26. post evincerent exemplaribus
adde,*

Et sane nullum æque atque istud Judæis profuisse commentum cum alibi, tum præcipue in Hispania, memorabili potest ostendi exemplo. Triumphavere istic de Christianis per complura secula solo hoc argumento, quod cum ex Sibyllinis aliisque antiquis Oraculis sexto demum vel currente vel peracto millenario adventurum esse constaret Messiam, e suis vero scripturis usque ad Servatoris nostri ætatem quatuor tantum depromerent annorum millia, superesse etiamnum annos bismille priusquam verus adventurus esset Messias constanter adseverarent. Nec defuit huic commento successus & quidem tantus, ut annis plus minus mille Judæi in Hispania prævaluerint Christianis, iisque imprudentibus pro anno Christi natali eram obtruserint Judæicam, incipientem ab Herode; vel quod illum Messiam fuisse crederent, vel quod annosexilii sui ab illo tempore, quo ablatum esset a Juda sceptrum, incipiendos esse existimarent. Ut vero communi omnium Judæorum magistratum in Hispania gerentium suffragio, introductam fuisse eram seu heiram hanc anno Christi CCCCIX. alibi diximus, ita quoque communibus omnium Hispaniæ regnorum decretis abolitam & antiquatam fuisse constat,


*

primum

primum quidem Valentiaë, deinde ubique anno Christi MCCCLXXXIII. Puduit rerum Hispanicarum scriptoribus causam memorare, unum hoc annotasse contentis, communi omnium Christianorum consensu eram istam fuisse sublatam, & tum demum numerari coeptum per annos Christi. Nec tamen defuere etiam antea quibus iste Judaicus displicuerit calculus. Eorum qui ad nostras pervenere manus primus fuit Julianus Pomerius, seu alter porius Julianus præsul Toletanus, in iis quos anno Christi DCLXXXVI. contra Judæos scripsit libris, in quibus Chronologiam LXX interpretum præferendam esse Chronologiæ Rabbinicæ pluribus contendit. Nec dubium quin felicius huic iste successisset labor, si causam & tempus fraudis istius Judaicæ penitus aliquanto vel perspexisset, vel explicasset. Nam sane cum illa quæ Christianos inter & Judæos sit quæstio de solo sit tempore, ut recte monuit Hieronymus, illud omnium urgendum, tempore Aquilæ vel paulo antea, Judæos depravasse Hebræa exemplaria & bis mille annorum expunxisse tempus, ut tempus Messiaë necdum advenisse obtinerent.

Quod si quis exactius etiamnum scire desideret tempus quo Judæi depravarint, aut saltem depravare Hebræa coeperint exemplaria, puto id spatium ut plurimum viginti duobus posse determinari annis. Nam cum Egnatius in ea quam ad Philadelphenses scripsit epistola, affirmet, sese audisse nonnullos dicentes, si ea quæ in Evangeliiis continentur, non etiam in antiquis inveniantur monumentis aut archivis,

chivis, nolle sese iis credere, ipseque responderit inveniri, illi vero negarint, manifestum Judæos jam tum aut depravasse sua exemplaria, aut recessisse a sensu, quem LXX tradidere interpretes. Cum vero Josephus, qui ex Hebræis exemplaribus eundem chronologicum calculum & eosdem quos LXX interpretes semper expresserit sensus, antiquitatum libros absolverit anno Christi nonagesimonono; Egnatius vero martyrium passus sit anno CXXI. satis convenienter efficitur intermedio hoc tempore & verba & sensus S. literarum depravasse Judæos. Recte vero Egnatius respondet, sibi pro sinceris, incorruptis & illibatis archivis esse Jesum Christum, illique velut summo sacerdoti credendum potius, quam aliis sacerdotibus. Atque hæc eo libentius monemus, quod solus hic perversus effecerit calculus, ut jam per tot secula Judæorum in mundo subsistat religio. Ille si destruat, quod sane facillimum, non Josepho tantum, sed & omnibus qui illum præcessere Judæis consentientibus cum illo quem LXX interpretes exhibuere calculo, jam nulli amplius in orbe supererunt Judæi. Sed excipit &c.



ISAACI VOSSII

DE SIBYLLINIS,

Aliisque quæ Christi natales præcessere
Oraculis.

PRÆFATIO.

INTER præcipua Christianæ religionis argumenta habita olim fuisse ea quæ Sibyllis adscribuntur oracula, licet plerique etiam hoc tempore libenter agnoscant, sed ea demum lege & conditione, ut piis illa & officiosis accenseantur fraudibus: operæ pretium fuerit & vanam sic sentientium diluere opinionem, & simul ostendere fieri non posse ut ea à Christianis sint conficta, cum non tantum priusquam Christianorum in seculum exiret nomen, sed & diu quoque antequam nasceretur Christus & lecta & celebrata pene fuerint ab omnibus. De istis, qui hoc nostro tempore supersunt Sibyllinis libris, quid sentiendum sit postea videbimus; prius dicemus de illis, qui Christi nativitatem præcessere fatidicis versibus, quique si non præcipua, at certe magna fuere causa, ut innumerari, non ex Judæis modo, sed & ex gentibus, relictis prioribus sacris, ad Christianorum se receperint castra. Ut vero clarius innotescant omnia, indagandum est tempus, quo in lucem prodire isthæc oracula, quærendumque præterea à quibus, & qua de causa fuere conscripta. Singula hæc ut cognoscantur, altius paulo repetenda est rerum summa.

A

CAP.

C A P. I.

De Danielis Hebdomadibus.

QUamvis itaque jam ex eo tempore, ex quo Græcorum jugum subiere Judæi, videri possit cœpisse spes & expectatio quam de futuro rege Christo gens ea habuerit; tamen cum nulla, aut exigua, ut id affirmemus supersint indicia; & a Daniele hoc spatium septuaginta hebdomadibus fuerit definitum; rectius utique rei hujus initium referemus ad finem hebdomadum, & annos qui proxime adventum Christi præcessere. De istis autem hebdomadibus alibi nonnulla scripsimus, incipendasque esse monuimus anno Xerxis vigesimo quinto, quando nempe Hierosolyma venit Nehemias, secuti in eo Josephum testem omni exceptione majorem.

Quod si tamen Judæi, & illis faventes Christiani quidam pergant & hic cavillari, & dicant Artasasth in istum secundum, sub quo Nehemias Hierosolyma venit, non Xerxem, sed Artaxerxem esse, eo nimirum, quod vox ista propius ad hunc, quam ad illum videatur accedere; sciant illi & hæc quoque frustra dici, cum Xerxis & Artaxerxis idem apud Persas fuerit vocabulum. Arta enim regem vel principem significare, crebra Satraparum Artabazi, Artaphernis, Artapatis, Artabani, & complura similia satis declarant nomina.

mina. Hinc est quod Ἀρταύ & Ἀρταύου dominum seu principem Græci interpretentur Grammatici. Ex horum nominum confusione orta quoque est discrepantia inter Græcos Scriptores de regum Persicorum annis, quod cum cognomines essent, non satis singulorum distinxerint tempora. Sed & hoc quoque errori causam præbuit, quod duo pluribus simul regnarint annis, ut Cyrus cum Cambyse, & Darius cum Xerxe. Vtrumque negant quidam; sed convellant, si possint, ea quæ scripsimus. Si Cyrus septuagesimo ætatis obierit anno, aut etiam prius, quomodo senectus ejus optabilis potuit videri Asiaticis populis, ut scribit Themistius oratione quinquennali? Cur non potius in voto illis fuit Artaxerxis Memoris ætas? De Xerxe vero quomodo verum esse potest, id quod Julianus Apostata scribit oratione prima, illum, non ut alii produnt, per triennium aut quinquennium tantum, sed per integros decem annos bellum contra Græciam instruxisse, nisi pluribus annis simul cum patre regnarit? De duratione regni Persici quæ scripsi, libenter doctorum judicium permittam arbitrio. Interim non a Josepho & Strabone solum tribui huic spatio annos plus minus ducentos & quinquaginta, sed & communem Judæorum hanc fuisse sententiam colligo ex Sibyllinis, in quibus regnum Persarum decima terminatur ætate. Decem autem ætates totidem quot dixi, ducentos nempe & quinquaginta conficiunt annos, illo siquidem seculo viginti quinque anni ætatem constituebant. Absur-

dum autem in Persicis & Babyloniciis uni credere Herodoto, ignaro linguæ Persicæ & nullis orientis gentium instructo monumentis, quam Josepho cui hæc fuere cognitissima, non tantum ex Beroso & alijs Syrorum & Chaldæorum scriptoribus, sed & ex multis sacris libris, qui ipsius etiamnum supererant ætate. Mirum præterea Herodotum, quem ab omnibus antiquis reprehensum fuisse testatur Josephus primo contra Appionem, hoc demum tempore obtinuisse, ut ab omnibus probetur. Atque hæc dicta sufficiant ad adstruendam fidem Josephi, recte referentis initium hebdomadam ad annum Xerxis vigesimum quintum. Male vero factum à viris doctis, quod relicto teste certissimo, Artaxerxis demum ætate hæc contigisse adfirmant. Pessime vero illi, qui a Daniele ipso & Cyri temporibus hebdomadam repetunt initium, edictum de instaurando templo, cum edicto de instauranda urbe & mœnibus confundentes. Manifeste illi contradicunt prophætæ, clarissimis verbis exordium hebdomadam referentis ad urbis & mœnium instauracionem. Certe opus non fuisset templum arcis in modum munire, si urbs ante Nehemiæ adventum muris fuisset instructa, quod nugator aliquis pertendit, ac si mentitus ipse esset Nehemias, cum Hierosolyma sine mœnibus esse apud Xerxem conqueritur.

Ex iis quoque quæ olim scripsimus clarescatis colligi potest, quamobrem Propheta tempus politiæ Judaicæ definierit 70 hebdomadibus, prætermisso & neglecto toto eo inter-

tervallo, quod a suo tempore, usque ad tempus de instaurandis Hierosolymis effluxerit. Eo nempe hoc factum quod anni captivitatis in Sacris literis ubique omittantur, nec alia recenseantur tempora nisi ea, quibus libertas constaret ac sui juris esset Respublica. Morem hunc, ut aliis gentibus, ita quoque Judæis usitatum fuisse adeo certis ostendimus exemplis & documentis, ut nemo nisi veritatis inimicus possit obstrepere. Græcis quidem & Romanis, quam solenne fuerit tyrannorum eradere titulos, omnemque eorum abolere memoriam, omnibus est notissimum. In Persarum Chronicis nulli fere comparent reges nisi qui a Cyro genus ducere creduntur. Idem observare est in multis orientalium populorum monumentis, in quibus mali principes, & mala passim expunguntur tempora. Judæis vero quam hoc usitatum fuerit, non tantum patet è multis captivitatibus, anarchiis & servitutibus, quarum spatia non memorantur in sacris literis, ideoque ignorantur; sed & ex compluribus Moyfis & prophetarum locis, jubentium ut malorum temporum & hominum extirpentur memoria, & deleantur e libro vitæ, utque piorum tantum habeatur ratio. Huc referenda verba Jobi cap. 3, cum diem noctemque qua natus est execratur, petitque ut posthac *non sit in diebus anni, neque numeretur in diebus mensum*. Hinc quoque est quod in sacris literis quadraginta tantum annis regnasse dicitur Solomon, cum tamen totis octoginta regnarit annis, suppresso nempe illo quo peccator

cator fuit intervallo. Eadem quoque est ratio quod in Genealogia Christi apud Matthæum quatuor reges peccatores Ochofias, Joazus, Amasias, & præterea Joacimus omitantur. At vero non omittuntur Achazus, quem filii Ezechia, ne de regum expungeretur catalogo, conservavit pietas; non Manasses qui pœnituit; non Ammon ejus filius, qui post breve regnum a suis occisus, a populo vindicatus; & meritis filii Osia nomen in genealogiis conservavit. Sed & Jechonias memoratur, qui licet & ipse in trimestri regno malus, longa tamen captivitate, & ut verisimile, subsecuta pœnitentia, abunde suis videri potest satisfecisse peccatis. Ut autem improborum eradebantur nomina, ita familiare Hebræis olim fuisse, quacunque etiam occasione celebrare memoriam eorum, qui de gente sua bene essent meriti, vel tria mulierum nulla necessitate in hac Christi genealogia inserta fatis declarant nomina, Ruthæ inquam quæ relictis Moabitarum sacris ad Judaicam transiit religionem; Thamaris, cujus factum ipse quoque Judas justum fuisse censuit; & præterea Raab meretricis, optime, si quæ alia, de Israelitico meritæ populo. Bersabæ vero nomen propter scelus supprimitur, Uriasque, cujus ea conjux fuit, tantum istic memoratur. Nec alia de causa in eadem apud Matthæum genealogia omittuntur complures alii post Zorobabelem, utpote a quo ad Josephum maritum B. Virginis, novem tantum occurrant generationes, cum octodecim habeantur apud Lucam. Hæc cum ita sint, clarum satis quam-

quamobrem Daniel omittat totum quod suam ætatem & instaurationem Hierosolymorum intercessit spatium, cum captivitates non constituent partem temporis politici. Omisso itaque hoc intervallo, ostendit captivitatem non semper duraturam, sed fore ut edito regio permittatur Judæis in suam reverſi patriam, & non templum tantum perficere, sed & urbem & diruta instaurare mœnia, & suis vivere legibus. Et merito, vel ob hoc ipsum nobilior censenda est hæc de hebdomadibus prophetia, utpote quæ utrumque remotum habeat terminum, cujusque non finem tantum, sed & initium divino instinctus spiritu prædixerit propheta.

C A P. I I.

Explicatio prophetiæ Jacobi de Christo

Genes. 49.

Hæc in antecessum de initio Danielis hebdomadam dicta sufficiant. Nunc, cum ex divinis oraculis constet, Christum non ante venturum, quam auferatur sceptrum a Juda, videamus quo sensu & qua ratione id intelligendum sit. Communis & maxime recepta est opinio, non veterum tantum Christianorum, ed & eorum qui Christum præcessere, factum id esse anno Herodis Magni tertio, utpote qui tum, occiso ultimo Hasmonæorum stirpis principe, primus a Romanis declaratus fuerit

fuerit rex alienigena. Obstreperunt tamen nonnulli, dicentes Herodem non fuisse alienigenam, sed purum putum Judæum. Verum hac in re ipsis mihi iniquiores videntur Judæis, qui unanimi consensu Herodem semper vocant profelytum. Quis non rideat frivolum argumentum, cum dicunt Herodem ideo non fuisse profelytum, quod profelyti fuerit filius? Scio quidem Nicolaum Damascenum in gratiam Herodis, cujus erat magnus assentator, non dubitasse olim fingere, Antipatrum patrem Herodis ducere genus a principibus Judæorum qui a captivitate Babylonica in Judæam essent reversi: sed hoc commentum ipse explodit Josephus, qui non uno loco novum fuisse hominem significat. Circa finem lib. 14. manifeste plebeum fuisse ostendit: & iterum lib. 17. cap. 10. Sed & alterum expendamus argumentum, quod mire video placere viris doctis cum scribunt, etiam si concedatur Herodem fuisse alienigenam, prophetiam tamen Jacobi morientis de illo non posse intelligi, eo quod è stirpe seu tribu Judæ, nullus prodierit rex ante Davidem; nullus item post captivitatem Babyloniam, cum in Sedecia & Jechonia defecerit stirps Davidica. Sed si verum est hoc Patriarchæ oraculum, utique etiam verum est, sceptrum seu principatum nunquam ablatum fuisse a tribu Judæ, usque ad Herodem. Ante Davidem quidem, principatum cæterarum tribuum fuisse penes tribum Judæ, è pluribus S. Scripturæ constat locis, & ex ipso ore Dei, cum post mortem Josuæ ducatus belli
huic

huius confertur tribui. Itaque Judam fratrum suorum regem vocat David moriens apud Josephum. Post Babyloniam vero captivitatem, & tum quoque principatum permansisse in tribu Judæ, & quidem magis quam antea, id sic conficitur. Constat duas tantum ultimæ deportationis tribus cum Zorobabele & Esdra Hierosolyma esse reversas, tribum nempe Judæ & Benjaminis. Fuere quidem aliquietiam primæ deportationis per Salmanassarem qui Esdram secuti sunt, sed illi, etiam si cum istis componantur, qui a Salmanassare in Judea relictæ fuere, admodum pauci fuere numero, cum pleræque decem Israelis tribus trans Euphratem dispersæ ab assuetis jam longo tempore sedibus in antiquam noluerint reverti patriam, ut satis clare docet Josephus. Attamen si veritatis habenda sit ratio, prætextus hic potius fuit quam causa, utique enim verisimile, etiam decem tribus migraturas fuisse, si ad suas redeundi terras integra iis fuisset potestas. Sed vero terræ, quas decem infederant tribus, illæ, jam a temporibus Salmanassaris, adsignatæ & possessæ erant a Cuthæis aliisque gentibus dictis postmodum Samaritis, nec restitui poterant, nisi prius pellerentur Cuthæi, irritaque fierent dona & beneficia facta a Persarum regibus, qui non facile acta & decreta sua rescindere & destruere solebant. At vero reliquis duabus tribubus, facile fuit jus postliminii impetrare. Non tantum quod reges & principes non libenter soleant immunitates & libertatem nimium multis concedere, quod,

que a paucioribus minus metuenda sit rebellio; sed etiam quod terræ, quas duæ istæ tribus tenuerant, nemini donatæ aut assignatæ essent, temere quippe & sine ullo juris titulo vicinæ illas invaserant gentes. Satis hinc clarum fit, quamobrem duæ tantum tribus ex captivitate Babylonica ad suas reversæ sint terras. Jam vero omnium tribuum nomina, in solam Judæ transiisse tribum patet exinde, quod qui prius Hebræi seu Israelitæ dicti fuere, statim post solutam captivitatem, uti docet Josephus, Judæorum assumerunt appellationem, ac si omnes e Juda traxissent originem, quod utique factum non fuisset, nisi omnium tribuum ut nomina, ita quoque jura ad solam transiissent Judæ tribum, ita ut reliquas omnes una hæc contineret. Hinc est quod qui ab Eleazaro Alexandriam missi fuere LXX interpretes, cum ex sola Judæ & Benjaminis eligi potuerint, a duodecim tamen missi dicantur tribubus. Hinc quoque in Actis Apostolorum 26. 7. τοῦ Δαυιδάφυλον de sola Judæ accipitur tribu. Mordochæus quoque hac de causa de tribu Judæ dicitur, cum tamen esset e tribu Benjaminis. Sed & Israelis nomen post captivitatem Babylonicam ad Judæ tribum transiisse constat, cum aliunde, tum quoque ex initio Malachiæ. Quamvis autem multis de causis id factum possit videri, præcipue tamen propter Samaritas id contigisse existimo. Cum enim illi reliquarum decem tribuum urbes & agros possiderent, & quamvis alias Judæorum infensissimi essent hostes, fratres tamen, & ejusdem atque ipsi generis vellent videri, si quando

do splendida esset illorum fortuna, ut nempe iisdem atque ipsi privilegiis & immunitatibus fruerentur; hinc proculdubio factum ut Samaritis exclusis omnia captivarum tribuum jura & nomina sola sibi vindicaret Judæ tribus. Cæterum, ut multa alia loca, ita non incommode ex iis, quæ hætenus diximus, solvas difficultatem in genealogia Christi, quæ tam multos exercuit eruditos, de tribu, e qua orta fuerit beata virgo. Sed & hoc quoque patet, frustra pertendere Judæos, antequam adveniat Messias, debere compleri vaticinium Esaiæ cap. xi, ut nempe residui de populo Israelis restituantur in libertatem eadem ratione ac factum sit post captivitatem Ægyptiam. Cum enim post Babylonicam captivitatem duæ tantum tribus redierint, illam liberationem nequaquam esse similem Ægyptianæ; itaque expectandum tempus, quo omnes tribus restituantur. Sed vero ex iis, quæ diximus, manifestum sit totum residuum Israelitici populi rediisse in patriam, cum tribus Judæ & Benjaminis successerint omnibus aliis tribubus & totum continuerint Israel. Currunt tamen miseri per universum terrarum orbem ut fratres suos deperditos & nusquam reperiendos inveniant, & modo inaccessa Arabiæ aut Tartariæ parte illos latere affirmant, & quod neque illinc aliquis hætenus venerit nuntius, eo complures redacti fuere amentix, ut alicubi in America eos delitescere existimarent. Sed neque illinc aliquis hætenus venit nuntius, nec venturus, ut opinor, antequam veniat ipsorum Messias.

C A P. III.

*Quomodo vaticinia de Christo fuerint attributa
Herodi: deque Herodianorum secta.*

AD finem vergentibus Danielis hebdomadis, occiso Antigono, translatoque ad Herodem alienigenam sceptrum; nemo erat Judæorum, cui non esset persuasissimum, tempus Christi aut adesse, aut brevi adfuturum. Circumferebantur illa tempestate complura carmina a Judæis sub Sibyllarum conscripta nominibus, quibus denuntiabatur adventus magni regis, qui totum sibi subiceret terrarum orbem, multosque etiam e gentibus vana inductos ambitione sibi conatos fuisse adaptare istud vaticinium, pluribus exemplis postea videbimus; sed ne gentium res rebus misceamus Judaicis, prius de Herode dicemus. Hunc primum fuisse qui inter Judæos pro Christo fuerit habitus, vel Herodianorum satis declarat secta. Nempe verba illa; *Non deficiet princeps e Juda, neque dux de femoribus ejus, donec venerit ille cui repositum est*, ita accepere, ac si cessante principe e stirpe Judæ, necesse foret, ut venturus Messias profelytus aut alienigena esse debeat. Forsan etiam non defuere adulatores, qui negarent esse alienigenam, ipsumque hoc, quod Damascenus, pertenderent. Quod vero nullus unquam Judæorum rex tam gratus & acceptus fuerit Romanis
&

& Græcis, ideo merito gentium expectationem vocari existimabant. Secta vero hæc quod magis increbuerit mortuo quam vivo etiamnum Herode, id ipsius factum videtur prudentia, ne Romanorum incurreret invidiam. Aluisse tamen inter Judæos istam de se opinionem valde est verisimile, & videri potest non alia de causa magnificum illud extruxisse templum, quam quod de suo Messia opus tale expectarent Judæi. Sed & ex pluribus quas adhibuit cautelis, nequis alius prodiret aut haberetur Messias, ipsum hoc satis confici possit. In illis autem merito primum sibi vendicat locum infanticidium Bethlemiticum. Hujus vero, licet in solis mentio fiat Evangeliiis, non est tamen ut hoc cuiquam mirum aut incredibile videatur, præsertim si quis noverit, etiam Romæ, cum editum esset oraculum, Naturam regem mundo parturire, edicto Senatus cautum fuerit, nequis illo anno genitus infans educaretur, ut ex Suetonio constat. Altera cautela, fuit genealogiarum, quæ in templo conservabantur, combustio. Sed & prohibitio librorum Sibyllinorum, & cædes tot regii sanguinis principum, eodem referenda videntur. Sub Nerone vero floruisse hanc Herodianorum sectam, & dies quibus regnum adierit festos fuisse Judæis, discas ex Persio: *Herodis venere dies*. Quamvis autem etiam ante everia Ierosolyma multi cessasse existiment hanc sectam, nunquam tamen defecisse, vel saltem revixisse apud Judæos, præsertim in Hispania, vel ipsum barbarum Aeræ satis indicat vocabulum. Cum ad institutum

faciat causam & originem vocis hujus exponere, libens quod sentio proferam; neque enim placent quæ viri docti de eo scripsere. Sed neque probo sententiam Petri Alfonsi, qui in scripto continente disputationem inter Moysen Judæum & Petrum quendam, putabat vocem hanc detruncatam ex nomine Heraclii. Sic enim scribit in Præfatione; *Hoc autem factum est anno a nativitate Domini 1106. Heraclii 1144, mense Junii die natali Apostolorum Petri & Pauli.* Constat sane ab Heraclio imperatore Judæos omnes ad Christianismum vi compulsos fuisse, non in Oriente solum, sed & in Hispania Galliaque, literis seu legatis ad Sisebutum & Dagobertum missis, & ad idem faciendum instigatis. Itaque Judæi quod nollent Christianorum fidem & computandi rationem admittere, alium calculum & alium commenti sunt Christum, Herodem videlicet, cujus regnum anticipat computum Christianum annis triginta octo. Sed vero Aeræ appellatio multo est antiquior, cum & in Chronico Idatii ad annum 409, & insuper in multis marmoreis Heraclio vetustioribus compareat monumentis. Libenter itaque cum illis sentio, qui Aeræ & Hegiræ seu Heiræ, nam & sic scribunt Arabes, idem existimant esse vocabulum, extrita littera G, ut solent Hispani, Arabes & Hebræi. Causa appellationis exinde petenda, quod Herodes a Judæis semper & ubique vocatus fuerit *הנרי* id est profelytus seu peregrinus. Anni itaque *hager*, sunt anni Herodis, qui, ut diximus, triginta octo annis anticipant Christi

Christi natalem. Hegiræ seu Heiræ Arabicæ eadem omnino ac Aeræ Hispaniæ est ratio. Illo ipso enim Heraclii tempore, quo Judæi, non in Hispania modo, sed & toto Romano imperio ad Christianismum compellerentur, orta quoque est in Arabia secta Mahometi. Secuti sunt hunc complures Judæi, qui relicto altero isto Messia, Herode videlicet & ipso Idumeo Arabe, Mahometum illico pro vero agnovere Messia. Theophanes & complures alii istius temporis scriptores pravam secuti lectionem, illos adhæsisse scribunt Mahometo *usque ad eadem illius*; μέχρι τῆς σφαγῆς αὐτοῦ. Sed rectius *quæ* leges, non *σφαγῆς*. Iidem scribunt recessisse Judæos a Mahometo, cum cum cameli carnibus vescentem conspexissent. Ut ut sit, cum Judæi Messiam peregrinum seu profelytum fore crederent, patet recte ab illis מן dictum fuisse Mahometum. Ipsum tamen Mahometum, non nisi postquam e patria sua Mecca expulsus fuit talem se nominasse, scribunt plerique Arabes, & ab hoc tempore Hegiram seu Heiram suam incepit Mahometus, cujus sectatores Hagerinos dictos volunt, velut religionis causa profugos & peregrinos, non autem ab Agare Abrahamæ ancilla, ut Christiani scribunt. Constat sanè Mahometum, ut nempe magis ad partes suas pertraheret Judæos, quorum plena semper fuit Arabia: de se interpretatum, & in se completa esse dixisse pleraque veteris testamenti loca ad Christum spectantia, ut jam olim observatum Petro Cluniacensi. Hæc de voce Aeræ dicta sufficiant, unde satis,

tis, nisi fallor, clare conficitur appellationem hanc multo apud Judæos antiquiorem esse, quam fuerit apud Arabes. Quod si cui minus probabile videatur, ita inter omnes convenisse Judæos, ut Herodem pro Messia agnoscerent, per me licet, ut quemadmodum Arabes, ita quoque Judæi vocem hanc de suo acceperint exilio, incipiendo hoc ab eo tempore, quo sublati sui generis principibus, regem habuere Herodem. Ego utrumque verum esse existimo, cum ne nunc quidem inter Judæos desint, qui Herodem pro Messia admittant. Quod si id palam minus profiteri audeant, satis tamen se declarant, cum dicunt, si Messias jam advenerit, utique ejus tempus pluribus annis anticipare Christianorum calculum. Et sane qui sic sentiunt Judæi, longe illi sunt prudentiores istis, qui Messiam necdum advenisse contendunt, præterquam enim quod vaticinio Jacobi morientis aliqua ratione satisfaciant, etiam Daniele admittunt, quem alii ex prophetarum expungunt albo. Jam vero quod in Hispania nomen Aeræ primum fuerit auditum, id inde factum, quod infinita propemodum Judæorum illic fuerit frequentia, florente etiamnum imperio Romano. Ab Adriano Cæsare post cladem Jerosolymorum eos deportatos memorant scriptores Hispani, quo auctore nescio. Ego libentius credo cum Arrianis, quorum magna semper in Hispania fuit copia, simul quoque crevisse Judæorum numerum. Fieri quoque potest ut post ejectos Alexandria Judæos, magna pars illuc migrarit.

rit. Crebra cum Christianis gessere bella, præsertim post seculum instauratæ salutis, quartum. Ideo prævalebant quod Romanis legibus pateret Judæis aditus ad honores, & concessum iis esset jus gladii. Christiani autem in provinciis nullos gerebant magistratus, non tantum quod, ut Julianus imperator dicebat, lex Christianis non permittat usum gladii, ideoque ad regendum non sint idonei; sed quod in Hispania qui magistratum gererent, ab Ecclesia prohiberentur, ut docet Concilii Illiberitani canon LVI; *Magistratum vero, anno quo agit duumviratum, prohibere placet, ut se ab Ecclesia cohibeat.* In Hispania vero magistratus munere functos fuisse Judæos, cum alibi, tum quoque in Balearibus insulis, patet ex Severo Sulpitio in epistolis. Non autem in Hispania modo, sed & in Galliis, licet non tanto numero & auctoritate essent ibi Judæi, atque apud Hispanos; & illic tamen ad honores & officia fuisse eos promotos, satis colligitur, & ex historiis, & ex Conciliis Gallicanis prævalente Christianismo habitis, quibus æque atque in Conciliis Toletanis Judæi a magistratu & honoribus publicis arcentur. Jam vero cum tot indicis & monumentis antiquis constet Aeram istam non ab uno, aut paucis, sed vero palam ab omnibus fuisse receptam & approbatam Hispanis, istud vero fieri non potuerit sine communi magistratus suffragio, non est ut dubitemus, quin Aera ista pseudomeffiæ Judaici, Herodis nempe, pro vero Christi anno a Judæis magistratum gerentibus fuerit obtrusa. Et quidem tuto hoc illis licuit inter Alanos,

Suevos & Vandalos; nam certe illo ipso anno, quo ab his barbaris occupata fuit Hispania, per Aeras primum numerari coeptum fuisse, aut saltem vocem hanc Judaicam tunc primum innotuisse Christianis ex eo conficitur, quod ab Idatio ad annum prædictum anni Consulares Aera permutentur, nec quispiam Idatio antiquior vocis hujus meminerit. Non est autem ut quisquam miretur sub Imperatoribus paganis Judæos in Hispania magistratus munere esse functos, & in Christianos & quoscunque alios, qui non essent cives Romani, jus vitæ & necis exercuisse, cum & in Syria, & apud Arabes & alias Asiaticas gentes, idem illis licuisse crebra doceant exempla. In Syria plures fuisse urbes quæ Judæis tantum uterentur rectoribus, patet ex Epiphanio, ubi agit de Josepho, qui ex Judæo factus Christianus, cujusque esse videtur ἱεροπολιτικόν, quod in multis reperitur Bibliothecis. In istis Syriæ urbibus Christianis pro magistratibus Judæis publice etiam preces fundere jubebantur, observatusque is mos sub imperatoribus quoque Christianis. Sed & in Babylonica captivitate idem juris olim fuisse Judæis, docet historia Susannæ. Nec quemquam id mirari debere monet Origenes in Epistola ad Africanum, cum Ethnarchæ Judæorum suo quoque tempore parem exercerent auctoritatem.

CAP. IV.

*De Oraculis Sibyllinis, quando & a quibus
fuere conscripta.*

DE Herode & Herodianorum secta fusius aliquanto diximus, ut liquidius constaret, tantam de futuro rege fuisse Judæorum expectationem, etiam pluribus antequam ille adveniret annis, ut impium tyrannum pro vero maluerint agnoscere Messia, potius quam de veritate sacrarum dubitare prædictionum. Attamen licet ille rumor sub Herode multum increbuerit, altius tamen aliquanto est repetendus, ab eo nempe tempore quo Ierosolyma occupavit Pompeius, quinquaginta novem annis ante natum Christum, completa exacte sexagesima secunda Danielis hebdomade. Argumentum clarissimum quo id confici possit, exinde habemus, quod jam tum in vulgus spargi cœperint carmina sub Sibyllarum nomine a diversis toto orbe dispersis conscripta Judæis, quibus adventus magni regis contineretur; cui, licet sine pompa & militibus esset adfuturus, totus nihilominus esset subjiciendus terrarum orbis. Illo ipso enim anno quo capta a Pompeio fuere Ierosolyma, prodiit Sibyllinum istud oraculum, *Regem populo Romano naturam parturire*. Quanti momenti visum sit gentibus hoc oraculum, vel inde colligas, quod Suetonius in Augusto scribat; *Se-*

natum exterritum censuisse, nequis illo anno genitus educaretur; eos qui gravidas uxores haberent, quod ad se quisque spem traheret, curasse ne Senatus consultum ad ararium deferretur.

Eodem anno idem hoc oraculum excitavit P. Cornelium Lentulum, qui illud ad se pertrahere conatus est, ut testantur non Appianus modo & Plutarchus, sed & Salustius & Cicero III Catilinaria, cum alibi, tum quoque his verbis; *Lentulum autem sibi confirmasse ex fatis Sibyllinis aruspicumque responsis, se esse tertium illum Cornelium, ad quem regnum hujus urbis atque imperium pervenire esset necesse. Cinnam ante se & Sullam fuisse, eundemque dixisse fatalem hunc esse annum ad interitum hujus urbis atque imperii, qui esset decimus annus post virginum absolutionem, post Capitolii autem incensionem vicesimus.* Recte addit aruspicumque responsis: in fatalibus quippe Sibyllinis scriptis id tantum continebatur, si quando Ægyptus Romanis pareret, tum adventurum magnum regem, tumque tres futuros qui Romanam affligerent & perderent Rempublicam. Istos vero tres fore Cornelios, id ex aruspicum verisimile est accessisse interpretatione. Versus vero Sibyllini, quibus hæc continebantur, sunt illi ipsi, qui etiamnum hodie occurrunt, circa finem libri secundi,

Λύτῃρ ἐπεὶ Ρώμῃς τε καὶ Αἰγύπτῃ βασιλείῃ
 Εἰς ἐν συνάμεινα, τότε δὲ βασιλεία μέγιστη
 Ἀθανάτῃ βασιλεύσας ἐπ' ἀνθρώποισι φανείτω
 Ἡξεί δ' ἀγνὸς ἀναξ πάσης γῆς σκῆπτρα κρατήσων
 Εἰς αἰῶνας πάντας ἐπ' ἐπιγομφόιο κέρονιο.
 Καὶ τότε Λατίνων ἀπαράτῃτος χόλος ἀνδρῶν,
 Τρεῖς Ρώμῃν ἐν ἱερῇ μυστῇ καταδικάζουσα.

Vide

Vide quoque sequentia. Aptius vero hæc intelligas de triumvirata Augusti, Lepidi, & Antonii. Sed vero cum ex iis quæ diximus, manifeste pateat versus istos fatidicos jam existisse totis viginti annis ante triumviratum, si quis credere nolit hæc futura potuisse præsciri a scriptoribus Sibyllinorum, per me licet ut credat, quemadmodum ante Cornelius Lentulus, ita quoque hujus exemplo istos triumviros ad invadendam Rempublicam instigatos fuisse versibus illis Sibyllinis, quorum tanta apud Romanos esset auctoritas. Nec successu caruit tam speciosus prætextus, cum & tres simul opprefferint Rempublicam, idque tempore magis opportuno, capta jam quodammodo a Cæsare Ægypto. Quid autem moverit Ægyptios & Alexandrinos Judæos, ut regis magni adventum minentur, si quando falces Romani Ægyptum & Alexandriam intrent; ejus rei causam infra explicabimus. Per virginum absolutionem intellige Fabiam Vestalem, de qua vide Asconium Pedianum. Quare vero decimum & vicesimum annos vocet fatales mox dicemus.

Aptatum deinceps hoc oraculum Ptolemæo Auletæ, quem cum Romani regno vellent restituere, reposuerunt Alexandrini sacerdotes, redacendum regem esse ex voluntate Sibyllæ sine pompa & multitudine, ut est apud Ciceronem lib. i. Epist. ad Lentulum. Vide quoque Dionem.

De Cæsare intelligendum esse hoc vaticinium multi postea credidere, uti docet Cicero, cum alibi, tum quoque libris de Divinatione editis

editis statim post mortem Cæsaris: *Sibyllæ versus observamus, quos illa furens fudisse dicitur, quorum interpret nuper falsa quadam hominum fama dicturus in Senatu putabatur, cum quem revera regem habebamus, appellandum quoque esse regem, si salvi esse velimus. Vide quoque sequentia, ubi ex eo, quod versus illi crebras continerent acrostichidas, evincere conatur, eos non inspiratione divina, sed vero adhibita cura fuisse compositos: quod ipsum eodem tempore Ciceronis æqualis scripserat quoque Varro in libris rerum divinarum, negans acrostichidas istas esse Sibyllinas, uti constat ex Dionysio Halicarnasseo lib. 4. Pergit dein Cicero & concludit; Cum antistitibus agamus, & quidvis potius ex illis libris, quam regem proferant: quem Romæ posthæc nec dii, nec homines esse patientur. Huc quoque facit L. Cottæ xv viri sententia apud Suetonium; Quoniam libris fatalibus contineretur, Parthos nisi a rege non posse vinci, Cæsar rex appellaretur.*

Ad Augustum deinceps relatum idem oraculum. Cum enim eodem anno quo a Pompeio capta fuere Jerosolyma, editum diximus, fuerit oraculum, Naturam orbi regem parturire, paucisque postea mensibus natus fuerit Augustus Cæsar; ecquis dubitet aut neget, astrologos justam satis habuisse causam, ut quod de Christo intelligendum esset, postmodum Augusto rerum potienti attribueretur vaticinium?

Satis itaque clarum, id quod toto orbe sparsam erat oraculum de nascituro e Judæis rege, qui

qui universi orbis frueretur imperio, admodum fuisse vetustum, utpote e sacris sacerdotum libris depromptum, ut Suetonius & Tacitus testantur. Frustra aliquis in illis, quæ Sullanis temporibus una cum Capitolio consumpta fuere, Sibyllinis scriptis, istiusmodi quærat oracula. Si quis ea quæ supersunt priorum Sibyllarum excutiat loca, longe alterius inveniet ea fuisse generis, & quidvis potius quam regis alicujus prænuntiasse adventum: ut manifestum sit non potuisse hæc ab aliis, quam a Judæis vulgari, qui sub nomine fatidicarum mulierum, & quarum apud gentes magna esset auctoritas, ea in lucem edidere, quæ ipsi e prophetarum suorum hausissent oraculis. Nec successus horum defuit vaticiniis, & quidem tantus, ut cæterarum gentium protinus cessarint oracula. Quippe cum alia plurimum inter se discreparent, & qui illa dictarent, non fallerent tantum, sed & fallerentur; soli Judæi unum omnes clamabant, prædicantes adventum regis servatoris orbis, & cujus imperium in omnes esset futurum gentes. Etiam illi qui vaticinia ridebant, cum viderent tot millium hominum in illis quæ docti essent a suis prophetis unanimem consensum; non poterant non existimare aliquid subesse arcani & tamen divini, quo mentes ad tantam compellerentur concordiam, ac si uno spiritu, eodem numine, & iisdem sensibus omnes inspirarentur.

Quod si quis scire desideret, qualia præcipue ea fuerint, quæ in istius temporis Sibyllinis vulgarentur; adeat is sacros libros, & sciat quæ-

quæcunque ibi de Servatore nostro occurrant oracula, similia quoque illis contenta fuisse carminibus, finem regni Judaici, desolationem templi, eversionem religionis gentilium, instaurationem templi sed spiritualis, consummationem & conflagrationem mundi, partum insuper virginis, novam progeniem cœlo delapsam, abolitionem peccatorum primi parentis, aliaque qualia in quarta Eccloga canit Virgilius, secutus oracula quæ sub nomine Cumæ vatis isto passim legebantur temporibus.

Satis vero mirari nequeo, quid impulerit nostri & superioris seculi eruditos, ut versus istos Virgilianos alienissimis sensibus interpolare, & tam præclara religionis Christianæ argumenta eludere fuerint conati. Quid quæso Sari Babylonici ad rem faciunt, aut quis veterum dixit, aut somniavit annum magnam Ægyptiacum impletam fuisse, cum ista scriberet Virgilius, qui ne nunc quidem impletus est? Percurrantur omnia astrologorum & chronologorum monumenta, nihil usquam occurreret, quo tam futile possit adstrui commentum. Profecto si vel temporum colligamus momenta, manifeste cognoscemus, non potuisse aliunde illa haurire Virgilium, quam ex Judæorum oraculis, quæ illo ipso, ut diximus, tempore sub nomine Sibyllæ Cumæ præcipue vulgabantur. Scripsit quippe Virgilius istam Ecclogam circa initia Herodis magni, Olympiadis CLXXXV anno secundo, quo nempe Afinio Pollioni natus fuit filius Saloninus, cui istos Sibyllæ versus aptare fuit conatus. Sed operæ pretium fuerit ipsam Sibyllam per os Virgilii loquentem audire.

CAP. V.

Interpretatio IV Ecclogæ Virgilii.

CUM itaque hac Sibylla inspirante scribat Virgilius, adesse ultimam ætatem, renovationem prisca seculi, & quæ sequuntur; quis in his verbis constantem veterum Judæorum non agnoscat sententiam, unanimiter e Sacris libris credentium, postrema mundi ætate adventurum Christum, & instauraturum omnia, proditurum e virgine, redempturum sanguine suo peccata mortalium, & virtute patris sui recturum orbem universum? Licet autem hæc ipsa quoque occurrant in iis quæ hoc tempore supersunt Sibyllinis; quia tamen illa admodum confusa, & passim interpolata vulgo leguntur, ut postea palam fiet; nec in iis ætates per metalla distinguantur, nec item eadem ratione & ordine, atque in versibus olim Cumææ attributis Sibyllæ, secula procedant; necessum est & pauca nonnulla quæ de vatis Cumææ libris explorata habemus, & quibus cognitis clarescat mens Virgilii, in medium proferamus.

In versibus itaque quæ Cumææ olim adscribebantur Sibyllæ, tota mundi ætas non in quatuor, ut apud Hesiodum & Ovidium, sed in decem distribuebatur partes, quæ & ipsæ ætates appellabantur. Istæ autem ætates per metalla fuere distinctæ: Cum vero vulgo placuerit

cuerit septem esse planetas, unicuique suam attribuentes metallum, septem quoque finxere metalla. Nec est hoc recens Chemicorum commentum: veteribus quippe Judæis & Ægyptiis idem placuisse, non tantum ex hoc Sibyllæ, sed & multorum aliorum constat testimoniis, quibus addi possit locus iste ex antiquo Pindari Scholiaste ad Od. V. Isthm. *Εκάστω δὲ τῶν αἰθέρων ὕλην πρὸς ἀνάγκηται. Ἡλίῳ μὲν ὁ χρυσοῦς. Σελήνῃ δὲ, ὁ ἄργυρος. Ἀπρί, σίδυρος. Κρόνῳ, μόλυβδος. Δία, ἄλυσσος. Ἑρμῇ, χαλκός. Ἀφροδίτῃ, χαλκός.*

Prima itaque mundi ætas apud Sibyllam, dicta aurea, Soli fuit attributa. Secunda argentea, quæ Lunæ. Tertia ab electro, quatenus pro metallo accipitur, denominata, Jovi sacra; & sic porro, ita ut Marti ferrum, Veneri æs, Mercurio stannum, Saturno vero plumbum adsignaretur.

Sed cum non septem, sed decem ætates descripserit Sibylla, quæri potest quo nomine octava & nona ætas fuerint signatæ. Quamvis ergo, ut nunc, ita quoque olim multis placuerit plura quam septem esse metalla, & propterea aliquis existimare possit, etiam octavæ & nonæ ætati aliquod fuisse attributum metallum, ego tamen, ut aliter sentiam, inducor his præcipue Juvenalis versibus Sat. 13.

*Nona ætas agitur, pejoraque secula ferri
Temporibus, quorum scelerei non invenit ipsa
Nomen, & a nullo posuit Natura metallo.*

Vulgo hæc non recte exponuntur, cum nulum dubium sit quin poeta hoc loco Cumæam secutus sit vatem, quæ nonam ætatem, nullo

nullo signatam metallo, descripserat velut omnium ætatum terribilissimam : ut contra decimam ætatem veluti omnium optimam, utpote qua futura esset *ἑνὴν αἰῶνα* per Christum. Sed Juvenalis, cum istam *ἑνὴν αἰῶνα* non admitteret, scribit nonam etiamnum fluere ætatem. Patet itaque in libris Cumææ Sibyllæ *αἰνιγματοειδῶς* & sine titulo fuisse octavam & nonam ætatem, aut si id non sit, verisimile est ab octava sphæra octavæ ætati, a tellure vero cognomen additum fuisse nonæ, cum constet aliquot Pythagoreos, eosque secutum Philonem Judæum, istoc ordine cœli digessisse regiones.

Absoluta hac periodo denuo fit aureum seculum, & denuo regnat Apollo seu Sol. Hinc est quod denarium numerum Pythagorici & complures ex veteribus Apollinem seu solem, & item *Αἰὼνα* seu integrum appellarint ævum, utpote quo fiat restitutio prioris seculi. Clarum est itaque quare Virgilius dixerit ; *Ultima Cumæi venit jam carminis ætas*, & subjiciat ; *Magnus ab integro seclorum nascitur ordo*. Recte itaque Servius Cumæi interpretatur Sibyllini, a Sibylla quæ Cumana fuit, & secula per metalla divisit. Dixit etiam quis quo seculo imperaret : & Solem ultimum, id est decimum voluit. Novimus autem eundem esse Apollinem ; unde dicit tuus jam regnat Apollo. Dixit etiam, finitis omnibus seculis rursus eadem renovari : quam rem etiam Philosophi hac disputatione colligunt, dicentes completo magno anno omnia sidera in ortus suos redire, & referri rursus eodem motu. Quod si idem siderum motus, necesse est ut omnia quæ fuerunt, habeant iterationem.

Patet itaque quare Sibylla Christianos futuros vocarit gentem auream, utpote qui decima ætate aurea, veluti solis, sint prodituri. Nonnulli tamen verbis Sibyllæ inhærentes, quæ & Virgilius expressit, cum dicit, *Jam nova progenies cælo demittitur alto*, ita hæc sunt interpretati, ac si e throno Dei, id est ex sole proditurus esset Christus. Hæc nempe vetus Judæorum opinio profluxit ex eo quod in Plal-mis legitur; *In sole posuit tabernaculum suum*. Versus autem Sibyllini, quibus hoc adstruitur, exstant apud Lactantium, & occurrunt quoque in illis que supersunt Sibyllinis. Sunt vero isti;

Καὶ τότ' αὖτ' ἡλίου Θεὸς πύμψῃ βασιλῆα
Ὅς πᾶσι γὰρ πᾶσι πολέμοιο κακοῖο.

Sic quoque complures olim sensisse Gnosticos, colligo ex Theodoti excerptis apud Clementem Alexandrinum; Εν τῷ ἡλίῳ ἔθετο τὸ σκῆνωμα αὐτῶν· ἔνιοι μὲν ἔν φασι τὸ σῶμα τῷ κυρίῳ ἐν τῷ ἡλίῳ αὐτὸν ἀποτίθεντες, ὡς Ἑρμογένης. σῶμα δὲ λέγουσιν, οἱ μὲν τὸ σκῆνον αὐτοῦ. οἱ δὲ τὸ τῶν πνεύμων ἐκκλησίαν. Nec dubitandum quin Hermogenes & Gnostici opinionem istam de statione Christi & Christianorum in sole e Sibyllinis oraculis ad suam transtulerint sectam. Non solos autem Gnosticos, sed & complures olim Judæos, & præcipue Essenos, eorumque progeniem Sampsaos, solem tanquam Dei stationem coluisse, satis docet mos Essenorum antiquus scrobem effodientium & eundem postea replentium, si quando alvum essent egesturi, ne lucem & radios Dei e sole progredientes inquinarent, ὡς μὴ τὰς αὐγὰς ὑβρίζουσιν τῷ Θεῷ. Nugas agunt qui verba Josephi, vel corrigere, vel aliter interpretari conantur. Ipse Josephus
Lib,

Lib. v. Cap. xx. de Bello Jud. cum describit crudelitatem eorum, qui sepeliendorum cadaverum facultatem impedirent, similiter loquitur; *καθάπερ συνδῆκας πτοχολογοὶ τῆς τῆς πατρίδος αὐτοκταλῶσαι καὶ τὰς τῆς φύσεως νόμους, ἀμα τὴ τοῖς τοῖς ἀνθρώποις ἀδικήμασι, συμμιᾶται καὶ τὸ θεῖον, ὑφ' ἧλίου τὰς νεκρὰς μυδῶντας ἀπλήηπον.* Eadem prorsus habet vetustissimus scriptor Judæus, cujus gnomæ sub Phocylidis leguntur nomine.

Sequitur deinceps apud Virgilium, *Jam redit & virgo*, quod de Astræa interpretantur. Demus sic intellexisse Virgilium, at certe non sic sensit Cumæa vates, seu potius Judæus ille qui sub hujus nomine carmina istæc edidit. Ecquis dubitet illum locutum de futuro signo, quod Deus apud Esaiam Cap. vii. promittit, cum dicit parituram virginem? Esto itaque ut de Astræa, seu Pudicitia dea, hæc acceperint ethnici, & ipse quoque Virgilius, qui tamen suam hoc loco non expressit sententiam; hæsitasse tamen eos in vocabuli hujus acceptione, vel ex eo manifestum, quod P. Cornelius Lentulus, ut ex supra memorato Ciceronis apparet loco, per Virginem in Sibyllinis expressam, intellexerit Fabiam Vestalem, quæ infimulata incestus, innocens fuit declarata, honori restituta, & pro virgine habita decennio antequam cum Catilina conspiraret Lentulus. Decennium vero ideo dixit, quod in Sibyllinis omnia tam bona, quam mala facta, denario continerentur numero, utpote fatali, quam obrem & Pythagoricos constat τὰς δεκάδας seu denarium appellasse fatum seu εἰμαριθῆλον. Eadem ratione dicebatur quoque fatalis annus vicefimus,

mus, velut ex duobus compositus denariis. Certum est autem combustionem Capitolii, quæ contingit anno Urbis DCLXXI, præcessisse annis viginti conspirationem Catilinariam.

Jam vero cum dicit Virgilius, *Et incipient magni procedere menses*, & hæc quoque vulgo male interpretantur, nec melius Asconius qui de Quintili & Sextili mensibus hæc accipit. Ut cætera, ita quoque & hoc ex Cumæa desumptum est Sibylla. Ejus enim liber decem continebat ætates, quæ a prima creatione, usque ad tempus Christi numerabantur. Per decem vero ætates intellige decem annos magnos, sed non ea ratione qua apud Astronomos & Gentiles, sed quemadmodum apud Judæos, quibus annus magnus continebat spatium annorum sexcentorum. Docet hoc Josephus libro primo ubi de longa primorum hominum agit ætate. Causa hujus anni ex Jubileis petenda, quorum duodecim unum magnum constituiebant annum. Singuli itaque Jubilei, singulos repræsentabant anni magni menses, utpote qui singuli Jubileum, seu quinquaginta continerent annos. Explodendi enim sunt qui invito Moyle & omnibus antiquis Judæis XLIX tantum Jubileis assignant annos. Unitas enim, ut sæpe, complementi & perfectionis numeri gratia addebatur, ut infra quoque dicemus. Nec officit quod hac ratione duo Sabbatici anni continenter sibi succedant. Ut enim in aliis Sabbaticis annis ad tertium, ita in Jubileis ad quartum annum sufficiebant fructus. Decem itaque ætates, seu anni magni, sex conficiunt annorum millia.

Omnes

Omnes vero antiquos Judæos adventum Christi retulisse vel ad medium, vel ad finem sexti millenarii, abunde, nisi fallor, alibi ostendimus.

Ægyptiis porro & Judæis symbolum hujus magni anni erat Phoenix avis, cujus propterea vita ad annos debeat patere sex centos. Sed tamen plerique fere non nisi quingentorum annorum vitam huic adsignarunt. Ideo id credo factum, quod in mensura anni magni, qui ex Jubileis constaret, non eadem omnes senserint, aliis tribuentibus huic Jubileos duodecim, qui essent instar duodecim mensium; aliis terminantibus hunc annum Jubileis decem, velut perfectiori numero, nulla habita mensium ratione. Sed nec defuere qui annos mille vitam hujus alitis patere dixerunt. Nempe qui spatium a creatione ad Christum, non in decem, ut Sibylla Cumæa, sed in sex divisere ætates, illi mille annos unicuique tribuebant ætati. Hoc maxime Christianis placuit, qui quod Christum sexta ætate advenisse statuerent, ideo etiam per senarium numerum solebant Christum exprimere. Porro quamvis quingentos annos Phœnici tribuat Ælianus Lib. VI. Cap. LVIII, tamen de hoc spatio non convenisse inter sacerdotes Heliopolitanos, qui omnibus fere seculis majori ex parte fuere Judæi, & a quibus omnem suam religionem hauserunt Ægyptii, satis manifestum fiet, si quis perpendat ejus verba, utpote qui scribat, graves de adventus tempore intercessisse rixas, aliis jam adesse, aliis expectandum etiamnum esse contendentibus, donec avis illa

illa adventu suo finem magno imponat anno. Chæremon Ægyptius, qui de antiquis Ægyptiorum Hieroglyphicis scripsit, sex vel septem annorum millibus vivere Phœnicem putabat, totam videlicet cupiens intelligi mundi ætatem. Ex his satis fit clarum Phœnicis fabellam excogitatam & admissam fuisse ad designandam *αιῶνος* seu ævi durationem. Quandoquidem vero vox ævi varie accipitur; nam si referatur ad vitam hominum qui diluvio fuere priores, mille contineat annos; si ad illos qui statim post diluvium vixere, quingentos vel sexcentos; si vero non hominum, sed ætatis mundi habeatur ratio, complura comprehendat annorum millia; hinc omnino factum existimo, ut tam diverse de voce *αιῶνος*, de vita phœnicis, & de duratione magni anni apud Ægyptios & Judæos prodierint sententiæ. Sed & hoc quoque palam fit, annum magnum Judaicum, qui ex Jubileis conficitur, nihilo magis e revolutionibus aut compositis siderum periodis, quam ipsosmet pendere Jubileos. A Sabbathi cultu profluxit annus Sabbaticus, ab illo Jubileus, a Jubileo minore Jubileus major sive annus magnus. Annorum Sabbathicorum & Jubileorum qui a Moyse usque ad Christum & eversa Jerosolyma computant numerum, & suis inserunt Chronologiis, illi & se, & alios decipiunt. Jubilei in sacris libris nusquam mentio, nisi in lege Moysis. Tempore pacis & cum sui juris essent Israelitæ, celebratos ab iis fuisse Jubileos libenter credo. Sed vero credere servitutis & captivitatis temporibus id ipsum quoque fuisse factum,

ctum, illud omnino absurdissimum. Tantum abest ut certus Jubileorum numerus hoc tempore possit haberi, ut ne olim quidem ullus extiterit Judæus, cui id notum fuerit. Si enim continua & non interrupta Festi hujus permanisset observatio, plana esset tota Chronologia, & cessarent omnes controversiæ, nec hæsitasset Philo de tempore quod Moysis & suam intercessit ætatem. Quapropter miror virum magnum in libro de Emendatione temporum, cum prius rectam institisset viam, postea mutasse sententiam, & tot aliis errandi dedisse occasionem.

CAP. VI.

De prohibitione librorum Sibyllinorum.

EX iis quæ hætenus diximus satis est manifestum, quam late toto orbe sparsa fuerit fama de adventu magni regis, etiam antequam Christus nasceretur; quamque varie exceptus fuerit hic rumor, faventibus quidem multis, tantique successionem regni ad se pertinere sperantibus: secus vero affectis pluribus, quibus nempe, ut ex iis quæ adduximus Ciceronis patet verbis, nihil æque in Sibyllinis ac regis displicebat nomen. Hoc solum poterat sufficere ut privatis quibuscvis hominibus lectio Sibyllinorum interdiceretur. Nam certe instinctu malorum dæmonum, Herodis, ut

E

opinor

opinor, cujus maxima apud Romanos erat auctoritas, poenam capitis fuisse constitutam, si quis legeret libros Hystaspis, Sibyllæ & Prophetarum, clarissimis verbis testatur Justinus in Apologia secunda. Scio quidem virum doctum in exercitationibus Ecclesiasticis conatum fuisse hæc eludere: sed multum fallitur, cum ista de iis accipienda esse putat Sibyllinis, quibus jam a Tarquinii regis temporibus utebantur Romani. Illa enim combusta fuere ducentis & triginta plus minus annis antequam hæc scriberet Justinus. Sed vero quæ successere Erythris allata Sibyllina, illa esse de quibus Justinus loquitur, manifestum ex eo, quod & Hystaspis & Prophetarum simul memorentur vaticinia, quæ quod similiter regem Judæum Romanis minarentur, multo etiam magis quam priora prohibita fuere Sibyllina.

Sed neque idem, neque alii complures post illum viri docti recte interpretati sunt verba Aureliani Cæsaris apud Vopiscum, quibus hortatur patres conscriptos ut inspiciant libros Sibyllinos, & cunctantes ita alloquitur; *Miror vos Patres sancti tamdiu de aperiendis Sibyllinis dubitasse libris, perinde quasi in Christianorum ecclesia, non in templo deorum omnium, tractaretis.* Ita hæc accipiunt, tanquam si Christianis execrationi fuissent libri Sibyllini, quod nemo unquam Christianorum vel dixit vel cogitavit: quin potius cum gentilibus disputantes, semper provocabant ad Sibyllas, & ad earum remittebant libros, ut ex Justino, Clemente, Tertulliano, Lactantio, imo omnibus

bus patet. Est quidem verum Aureliani tempore fuisse quoque Sibyllinos aliquos libros, qui gentilium ritibus & ceremoniis faverent, uti postea dicemus: verum illi nullo omnino in pretio erant Christianis. Quod si de illis solis Aureliani verba accipienda esse existimemus, jam dubia & frigida fiet sententia, quæ alias, si recte verba interpretemur, sensum exhibet clarissimum. Exprobrat patribus quod cum ipsis licitum sit consulere libros Sibyllinos, adeo tamen cunctanter id faciant, ac si non in templo deorum omnium, sed vero in aliqua Christianorum versarentur ecclesia, ubi capitale esset libros legere Sibyllinos. Legebant quidem illos Christiani, sed clam & in occulto, non autem palam & in ecclesiis.

Sed neque recte ab iisdem Alexandrinus Clemens reprehenditur, cum scribit Apostolum Paulum remisisse ad Sibyllas & Hyfaspis vaticinia, & commendasse eorum lectionem. Frustra quærunt ubinam hoc dixerit Paulus, ac si nihil dixisset aut scripisset Apostolus, nisi quod indoctis placeat. Sufficiat nobis affirmasse hoc Clementem, virum sanctum, & cum multis Apostolicis viris conversatum, ut non uno loco ipse de se testatur. Instant tamen, & credulitatem Patrum ad simplicitatem usque traducunt; ipsi potius traducendi, quod suam incredulitatem ex inscitia ortam prudentiæ & iudicii loco obtrudere conentur. Sed neque quidquam proficiunt exinde, quod libri isti Apocryphis fuere annumerati. Ut vero quanti hoc argumentum faciendum sit cognoscamus, operæ pretium fuerit de hoc vocabulo

& scriptoribus apocryphis nonnulla subjun-
gere.

C A P. VII.

De libris apocryphis.

ANtequàm in Græcum sermonem aLXX
interpretibus converterentur libri sacri,
omnes erant apocryphi, utpote ad quos solis
Levitis & sacerdotibus pateret aditus. Et ip-
sum vocabulum & frequens ejus usus, apud
quosunque etiam Græcos, satis manifeste o-
stendit, non de aliis id acceptum fuisse libris,
quam vel de raris & non passim obviis, vel de
iis, qui in archivis & sacris recondebantur ar-
mariis, & ad quos solis, ut diximus, daretur ac-
cessus sacerdotibus. Tales semper fuere Si-
byllini, quorum custodia XV viris erat com-
missa, tales Tuscorum haruspicum libri recon-
diti, quorum tam crebra passim fit mentio:
tales Tyriorum & Ægyptiorum annales sacri,
qui ἀνακεχωρηκότες βιβλίοι & ἀποκρυφοί passim appellan-
tur. Suidas cum dicit Epaphroditum gramma-
ticum, triginta millia ἀνακεχωρηκόντων βιβλίων posse-
disse, interpretatur ἀπόκρυφον. Atque hæc vera
hujus vocis significatio, neque ullum vetustum
invenias scriptorem, cui ἀπόκρυφον non fuerit i-
dem quod κρυφόν, ita ut libri apocryphi idem
fuerint qui arcani, inaccessi, sacri, & quibus
merito credatur. Videmus nunc qua ratione
factum

factum sit ut vocabulum hoc apud Christiano-
 aliam & priori quodammodo contrariæ acce-
 perit significationem, cum scilicet apocryphi
 pro spuris, aut saltem dubiæ fidei, accipiun-
 tur libris. Ego ne dubitandum quidem existi-
 mo, quin sinistra vocis hujus acceptio a Judæis
 propagata sit ad Christianos. Antequam enim
 essent Christiani, in recta significatione vox hæc
 ab ipsis quoque usurpata fuit Judæis. Quomodo
 autem immutata fuerit significatio, jam di-
 cam. Totis quinquaginta & pluribus annis
 antequam nasceretur Messias, suis de Messia
 vaticiniis universum Judæi terrarum comple-
 verant orbem. Personabat ubique versus ille;

Ἡμεῖς δὲ ἀγνοῦντες πάντες Ἰσραὴλ τὴν ἐλπίδα τοῦ Χριστοῦ.

Perstiteri in hac spe & expectatione quam-
 diu rex Messias non advenisset. Postquam au-
 tem ille venit, & non agnoverunt eum, ever-
 sisque tandem Jerosolymis spes alius Messia
 paulatim coepit evanescere, numerusque in
 verum credentium Messiam indies augeri; fie-
 ri aliter non potuit, quin pudore & poeniten-
 tia prioris a se sparfi rumoris affecti fuerint
 maxima, adeoque quidem ut & ipsi quoque,
 quod eos frustratus esset, maledixerint Messia.
 Tum itaque coeperunt odiosi illis esse Sibyllini,
 Hyfaspis, alique a majoribus suis paulo ante
 conscripti libri, utpote adventum Christi
 clarius significantes quam a veteribus factum
 esset prophetis. Tum quoque execrationi esse
 coepit versio. LXX interpretem, e qua tanquam
 e seminario omnes isti novi prophetæ quasi to-
 tidem Messia prodiissent præcursores. In hujus
 itaque versionis perniciem coeperunt

ὁ δὲ πρῶτος &

novas condere versiones, eo nempe consilio, ut quem jam pridem ex suis animis, eundem quoque e sacris exterminarent regem literis. Quamvis autem non successerit hic conatus, fecere tamen quod potuerunt, & adeo quidem, ut siue Hebræa exemplaria, siue Græcam spectes versionem, nulla gravior libros sacros adflixerit labes, quam quæ a Judæis istis sit illata temporibus. Denique nequid impietati in Christum deesset, cum publico cautum esset edicto, nequis legeret Sibyllinos aliosque fatidicos libros continentes adventum regis, jam sibi magis quam Romanis odiosi, libenter decreto Senatus parere, anathemate etiam proscribentes, siqui inter Judæos istos aut haberent aut consulerent libros; & hac ratione qui antea palam & religiose ab illis legebantur libri, facti sunt apocryphi, veluti interdicti, & a nemine legendi. Tum quoque factum ut arctiori quam antea sepe libri sacri constringerentur, omnesque qui Hebraice non exstarent, a reliquis separati & pro apocryphis fuerint habiti, detorta a vero significato vocis natura. Quippe cum antea libri sacri, aut etiam quilibet ad quos non pateret omnibus aditus, apocryphi dicerentur, illi in sequiorem sensum accipere hoc vocabulum, tanquam si ideo non essent adeundi, quod spurii & dubiæ essent fidei. Satis ex his patet quam alieno sensu & e veteribus Christianis complures, & nostræ ætatis ferè plerique vocem apocryphorum accipiant, cum adulterinos & exigui momenti libros istoc signant titulo. Haud sane parum utilitatis Christianæ accederet religioni, si etiamnum super-

superessent scripta illa apocrypha, quæ veteris Testamenti olim conjungebantur libris, cum & approbata fuerint a Judæis antequam essent Christiani, & lecta in primitiva Ecclesia, & commendata a Paulo & Apostolis, qui & testimonia ex illis petita scriptis suis inferere. Apud Paulum quidem complura occurrunt loca ex illis deprompta, liber vero Enochi, citatur in Epistola Judæ. Scio quidem a multis rejici hoc nomine illam Judæ epistolam, sed si hoc valeat argumentum, rejicienda quoque erit secunda S. Petri epistola, utpote in qua Cap. ii. v. iv. legitur Deum in prisco qui ante diluvium fuit mundo non percipisse angelis peccantibus, sed illos catenis tenebrarum coercitos in tartarum detrussisse, extremo reservandos judicio, quod manifeste ex eodem depromptum est Enochi libro. Integrum Enochi locum vide in Chronico Syncelli. Eadem historia, paribus fere ac Apostolus verbis, memoratur in Oraculis Sibyllinis Lib. i. ubi secundæ ante diluvium ætatis hominum lapsus describitur. Nec tamen propterea sequitur librum hunc ipso antiquiorem diluvio, ab Enocho fuisse conscriptum. Absit ut sic sentiamus; sed vero ita omnino credimus, omnes istos quos diximus libros, vergentibus ad finem Danielis hebdomodis, a Judæis toto orbe dispersis fuisse compositos, Deo impellente ipsorum mentes ad significandum gentibus Christi adventum. Infinita itaque illi edidere volumina partim sub Patriarcharum & Prophetarum suorum nominibus, quales fuere libri qui olim lecti fuere sub nominibus Adami, Enochi

Enochi, Abrahami, Moyſis, Eliæ, Eſaiæ & Jeremiæ; partim vero ſub nominibus illorum, quorum magna apud gentiles eſſet exiſtimatio, veluti Hyſtaſpis, Mercurii Trismegifty, Zoroaſtris, Sibyllarum, Orphei, Phocyllidæ & complurium aliorum. Nec eſt quod quiſquam obijciat in iſtis libris multa quoque fuiſſe ſuperſtitioſa & magica, uti ex iſtis quæ paſſim ſuperſunt fragmentis facile poteſt colligi, ideoque minime eſſe veriſimile iſtiusmodi homines clarius de adventu Chriſti fuiſſe locutos, quam veteres locuti ſint Prophetæ; nam id argumentum non eſſe ſatis ſolidum ex eo conſtat, quod & Balaamus magus & incantator toto oriente fuerit celeberrimus, qui tamen futura Chriſti myſteria adeo manifeſte prædixit, ut nullus propemodum Prophetarum tam aperte de iis ſit vaticinatus, uti recte monet Hieronymus in epiſtola ad Oceanum. Sed & illi Magi, qui Chriſtum puerum adoratum venerunt, cum ut ejuſdem regionis, ita quoque ejuſdem artis & profeſſionis fuerint ac Balaamus, Chaldæi nempe harioli, & Balaami, ut veriſimiliter Origenes prodit, ſucceſſores, cum conſtet ſucceſſionem Magorum diligentiffime obſervatam fuiſſe; ecquis inquam neget eos clarius & manifeſtius quam quiſquam Prophetarum a Deo inſpiratos prævidiſſe diem, horam & locum natiuitatis Domini noſtri, & beneficio ſtellæ a Balaamo prædictæ deductos Betlehemum primos fuiſſe qui Chriſtum regem Judæorum ſalutarint? Verum eſt itaque, id quod viri docti in ſacris obſervarunt literis, ut nempe quanto propiores Chriſti temporibus fuere prophetæ,
tanto

tanto clarius de eo sint locuti; id ipsum præcipue locum habere in illis, qui vel attigerunt, vel proxime præcessere tempus nativitatis Christi.

C A P. VIII.

De Hodiernis quæ supersunt Sibyllinis.

QUæ sub nomine Erythrææ seu Babylonicae Sibyllæ olim a patribus Christianis lecta fuere, & etiamnum supersunt & leguntur oracula, longe a me abest ut omnia ea ejusdem generis & auctoritatis esse existimem, ac fuere ea de quibus hætenus sumus locuti. In his quippe quæ Christi nativitatem præcessere Sibyllinis, ea solum continebantur, quæ ex Prophetarum scriptis depromta essent vaticinia. At vero in illis, quæ vulgo leguntur, ea quoque occurrunt, quæ non ab aliis, quam ab iis potuerunt conscribi, qui centum & viginti demum annis Christo fuere posteriores. Satis hoc inde colligitur, quod in iis nominatim memorentur Cæsares ad Adrianum usque. Attamen cum in iis, ea quoque compareant, quæ manifeste constat scripta fuisse etiam ante adventum Christi, uti in antedictis ostendimus, libentur assentior Celso affirmanti, compluribus in locis interpolatos esse a Christianis Sibyllinos libros, quantumvis contradicat Origenes. Ipsum quoque hoc, etiam antequam Christiani essent, credidit Varro in libris re-

rum divinarum, cum teste Dionysio Halicarnasseo versibus Sibyllæ Erythrææ assutos esse scripsit versus nonnullos, qui tamen facile noscantur ex acrostichidibus. Hujus sententiam probasse videtur Cicero, cum acrostichidas ex humano potius studio, quam inspiratione divina provenire contendit, ut supra monuimus. Verum cum non a Sibyllis, sed a Judæis Sibyllistis ista prodierint oracula, cessat ista difficultas. Interim hoc habemus, ut Cumææ, ita quoque Erythrææ Sibyllæ carmina diu ante natum Christum lecta & usurpata fuisse a Græcis & Romanis. Sed operæ pretium fuerit ostendere, quo pacto combustis Sibyllinis veteribus, quibus prisca utebantur Romani, Erythrææ & aliarum Sibyllarum carmina successerint.

Bello Marfico anno urbis DCLXXI, seu Olympiadis CLXXIV anno secundo, Capitolium Romæ conflagraffe constat e multis. Istoc incendio pleraque Sibyllina scripta, quibus jam a Tarquinii regis temporibus usi essent Romani, absumpta fuisse, testis certissimus est Varro apud Dionysium Lib. iv. Post septennium deinceps restituto Capitolio, anno nempe urbis DCLXXVIII Cn. Octavio & Scribonio Curione Coss. cum fama esset crebra de Sibyllinis qui apud Erythros in Asia exstarent, ex decreto Senatus missi sunt ad illos inquirendos legati P. Gabinius, M. Otacilius, & L. Valerius Flaccus. Illos autem ex Erythris & ex aliis Asiæ urbibus versus circa mille collectos Romam deportasse ex Fenestella docet Lactantius, addens descriptos fuisse a privatis, ceu potius idiotis, ut habet ex Varrone Dionysius, Judæis videlicet

delicet indoctis & parum Græce gnaris. Judæos autem magno istoc tempore numero habitasse in plerisque fere Asiæ urbibus, patet ex beneficiis in Judæos a Populo Romano collatis, quorum exempla ex Josepho alias dabimus. Nescio enim qua ratione factum sit, ut pleraque illa decreta absint ab editis Josephi exemplaribus, cum & in scriptis libris & in versione existent antiqua, licet admodum mutila.

Illa autem Sibyllina longe alia fuisse, ab istis quæ combusta fuere, docet Varro ibidem. Et certe si quis conferat prisca Sibyllina, quæ profanos tantum continebant ritus, cum istis quæ Erythris Romam fuere deportata, longe alius inveniet ea fuisse generis, utpote in quibus veri Dei cultus & nihil non sanctum præcipiebatur. Quapropter plurimum errant qui Sibyllinos libros eosdem semper fuisse putant, & permanisse usque ad tempora Theodosii, & demum combustos a Stilicone.

Ex iis, quæ jam diximus, satis quoque fit clarum, carmina quæ sub Erythrææ Sibyllæ nomine Romam allata fuere, aliquot annis esse vetustiora quam fuerint carmina Cumææ Sibyllæ, quorum auctor, ut serius scripsit, ita quoque clarius de Christo vaticinatus est. Sed & hoc quoque patet, quare cum Babyloniam sese esse dixerit, fore nihilominus adfirmarit ut a gentibus Erythræa appelletur. Quia nempe Erythris reperta & Romam deportata ejus fuere oracula. Nec tamen opus est, ut propterea prophetidem vel prophetam fuisse existimemus, quicumque istorum fuerit auctor carmi-

num. Cum enim duas fuisse Erythræas Sibyllas feribat Strabo, alteram priscam, alteram vero quæ Alexandri magni vixerit temporibus; facile Judæis fuit imponere legatis Romanorum, missis ad Erythrææ Sibyllæ colligenda carmina, obtrudendo mercem quæ ex sua prodiiisset officina pro antiquæ & priscæ Sibyllæ carminibus, affluendo illos versus, quibus hæc Sibylla declarat, se licet Babylonia sit a gentibus tamen Erythræam vocatum iri. Cæterum post adventum Christi multa assuta esse istis Sibyllinis, partim ex Evangeliiis, partim ex rebus quæ postea contingerunt, de eo ne dubitandum quidem videtur, omninoque hac in parte probo sententiam Celsi. Sed & recte Lactantius, cum scribit non esse unius Erythrææ, sed plurium Sibyllarum, seu potius Sibyllistarum farraginem. Certe cum ex Fennestella constet, circa mille tantum Erythrææ Sibyllæ versus legatos Romam deportasse, fatis apparet, quantæ factæ sint additiones, cum supra ter mille versus sub hujus Sibyllæ nomine hoc legantur tempore.

Quæ porro a nonnullis viris doctis afferuntur argumenta ad infringendam horum oraculorum auctoritatem, nullius ea mihi vel pretii vel momenti videntur. Quid enim ad rem facit si homo Judæus scribens Græcis luserit in vocabulo Adami, & in nomine ejus quatuor mundi invenerit cardines? Nec tamen verum est quod dicunt, tribus tantum apud Hebræos hanc vocem constare literis, quia nempe compendii gratia unica vocalis in scribendo o-mittitur, secus enim id sese habet in pronuntiatione.

tionē. Sed neque recte carpunt, quod nomen Dei in iis oraculis continere dicatur numerum MDCXCVII, cum non satis constet quodnam vocabulum debeat intelligi. Fingunt quidam vocem Hebraicam, quæ tamen putida est. Ego libenter eorum sequor sententiam, qui de voce ἀνέκφωτος, idem quod ἀνικρόνητος, accipiunt; ut nempe septenarius fiat, more Pythagoricorum & Platoniorum additur unitas. Μόνας enim, ut illi loquuntur, est θετικὸς, ἀποκαταστατικὸς καὶ περισσώτης ἀριθμὸς. Vel potius unitas additur ad declarandam Dei unitatem, ita ut numero illo signetur ineffabilis unitas, ἀνέκφωτος μόνως. Sic Mercurius Trismegistus, & ipse Judæus, cujus verba apud Lactantium Lib. I. sic concipiuntur; Ο δὲ Θεὸς εἷς ὁ δὲ εἷς ἀνύμωτος καὶ ἀπροσδιόριστος, ἔστι γὰρ ὁ ὢν ἀνώνυμος. Hoc posterius verissimum esse existimo.

Jam vero quod Chiliastarum seu millenario-
rum errores secutum esse scribunt hunc Sibylli-
stam, nec hoc quidquam ad rem facit; neque e-
nim quæritur quid verum sit, sed quid veteres
senserint Judæi. Quin ex loco Psalmi LXXXIX
promanarit hæc opinio, non dubitandum. Fal-
luntur qui Papiam primum sic sensisse existi-
mant. Apostolicis temporibus ita multos cre-
didisse colligas ex epistola Barnabæ. Judæis
vero vetustioribus placuisse hanc opinionem,
ex eo conficias quod in Sibyllinis exstiterit, nec
aliter sensere plerique antiquiores Patres, inter
quos etiam Origines. Sic nempe putabant, Deum
sex annorum millibus mundum creasse, ita ut
primo millenario creata luce visibilis factus sit
mundus. Secundo millenario subsidentibus a-
quis purus remanserit aer, firmamenti seu nu-

bium beneficio separatis superioribus aquis ab inferioribus. Tertio millenario incubente & fovente calore partes telluris ad concipiendum tumorem magis idoneas supra aquam se extulisse, formatosque montes, ficcataque hac ratione tellurem produxisse herbas, & sic porro. Durationem mundi similiter sex annorum millibus definiverunt, demtis tamen iis annis, qui ab Adamo ad Noam effluxere, priori tempori & alteri mundo illos tribuentes. Horum sententiam secutus est Petrus Apostolus, cum alium mundum appellat eum qui diluvium præcessit. Sex itaque annorum millia distribuerant in tempus ante legem, tempus post legem, & tempus Messiae. Quod autem Judæi id vaticinium e Schola Eliæ promanasse dicunt, id fortasse ex eo factum, quod desumptum fuerit e libro prophetiarum Eliæ, quem olim veteris Testamenti scriptis annumeratum fuisse constat, licet postea apocryphis, ut appellantur, accesserit. Qui vero ex Judæis materiam ingenitam & alios ex aliis mundos generari credidere, illi quindecim annorum millia a creatione ad creationem computabant. Sex quippe annorum millia in producendo hoc mundo Deum seu Naturam laborasse statuebant antequam primus nasceretur homo. A primo vero homine usque ad Christum alia sex numerabant annorum millia. Regno autem Christi duo tribuebant millia. Ultima denique millenarium extremo judicio & conflagrationi adsignabant, ita ut intervallum, quod hujus & præcedentis mundi conflagrationem intercedat, quindecim annorum fiat millium. Alii quæ-

quatuordecim numerabant millia. Origenes huic spatio tredecim adscribebat annorum millia, ut videre est in excerptis Methodii apud Photium, quibus si addas tempus conflagrationis, fient quatuordecim millia, quo peracto spatio universalem ἀποκρίσεις futuram putabant. Tusci veteres huic intervallo duodecim tantum adsignabant annorum millia, si credendum Suidæ in voce τυγηνόι.

De Saturno & Titanibus quæ scribuntur in Sibyllinis, non est ut quemquam offendant. Cum per Saturnum Noe, & per Titanas intelligatur posteri ejus, qui turrim sunt moliti Babyloniam; clarum est eo hæc referri, ut ostendatur Græcorum fabellas non ex nihilo esse fictas, sed veritatem earum contineri sacris literis, e quibus Saturnum, Janum, & alios, non deos, sed homines fuisse, manifeste satis possit colligi.

Sed neque hoc recte in Sibyllinis carpitur, quod diluvio quadraginta tantum assignentur dies. Complures quippe ex antiquis sic sunt locuti, reliquum tempus, quo pluviae cessarunt, non attribuentes diluvio.

Quod mons Ararat, in quo arca Noæ quievit, Phrygiæ adscribatur in Sibyllinis, & hoc quoque complures viri eruditi falsum esse contendunt. Sed quod pace ipsorum dixerim, non succedunt eorum rationes. Non jam quæram rectene mons Ararat Phrygiæ fuerit attributus: sufficiet ostendisse, complures olim sic credidisse. Luculentum hujus rei testimonium possit exhibere nummus Apamenus ante paucos annos Romæ vulgatus a Falconerio, in quo

quō exprimitur arca Noæ. Ista autem Apamea præcipua post Ephesum majoris Phrygiæ fuit civitas. Sita erat ad fontes Marfyæ fluminis. Mons urbi huic vicinus, quod in eo arca seu Noæ, seu Deucalionis, quievissē crederetur ab Apamenis vel potius Judæis Apameæ habitantibus, dictus fuit *κίβατος*, & inde ad ipsam quoque urbem transiit appellatio. Eadem ratione idem hic mons vocatus fuit *Βάρης*, quia nempe hæc vox magnam domum, vel magnum significet navigium. Hebræis est *בֵּית־נֶחֱשֶׁת*. Constat autem hanc vocem non Persis minus & Medis & Ægyptiis usitatam fuisse, quam Hebræis. Hesychius; *Βάρης, πύργος, πορθμεῖον, περιάμφοδος*. Sed & antiquum illud Noæ navigium *Σωβήρων* dictum fuisse, veluti qua conservatum sit genus humanum, colligo ex eodem Hesychio; *Σωβήρης, ναῦς, πορθμῖς· ὅνιοι τῶν παλαιάν*. Sed tamen obijciunt Ararat esse Armeniæ montem, non Phrygiæ. Audio quidem, sed sciendum eam Phrygiæ majoris partem in qua Apamea, olim Armeniæ attributum fuisse, & sic sensisse Nicolaum Damascenum: docent ejus verba Lib. I. Cap. IV, apud Josephum; *Ἐστὶν ἡμῶν τῶν Μιναῶν μέγα ὄρος κατὰ τῶν Ἀρμενίων Βάρης λεγόμενον, εἰς ὃ πολλὰς συμφορὰς ἐπὶ τοῦ κατακλυσμῆ λόγος ἔχει περισταθῆναι, καὶ τινα ἐπὶ λαβραστος ὀχόμενον ἐπὶ τῶν ἀνθρώπων ὀκνεῖναι, καὶ τὰ λείποντα τῶν ζώων ἐπὶ πολὺ σταθῆναι. γένοιτο δ' αὖ οὗτος ὄντη καὶ Μωυσῆς ἀνέγραψεν ὃ τῶν Ἰουδαίων νομοθέτης*. Vulgo legitur *Μιναῶν* quod multum torfit virum doctum. Est autem Milyus Pamphyliae Pisidiæque superior tractus Apameæ huic vicinus & pene contiguus. Baris oppidum memoratur a Ptolomæo in hoc ipso tractu. Vides autem quam hæc Damasceni verba

verba confirmant ea quæ diximus, quamque idem de monte Ararat senserit quod Sibyllinorum scriptor. Porro Armenos olim Phrygibus fuisse permixtos, cognoscas quoque ex Stephano, qui plus etiam dicit, cum sic scribit; *Ἀρμένιοι τὸ μὲν γένος ἐκ Φρυγίας, καὶ τῇ φωνῇ τὰ πολλὰ φρυγίζουσι.*

Plurimum quoque errant, cum reprehendunt quod Eurotam prope Dodonam oriri & cum Peneo conjungi dixerit scriptor iste Sibyllinorum. Eurotas enim non tantum est apud Laconas, sed & apud Thessalos, quem Homerus Titareson appellat, ut Strabo & alii testantur. Illum vero cum Peneo conjungi, notum ex omnibus. Dodonæ vero vicinum facit etiam Homerus. Ex Stygia palude profluere canit quoque Lucanus, Lib. vi. Orcum ea de causa vocari, testatur Vibius Sequester.

Quod attinet acrostichidem, quæ occurrit Libro viii, si quis illam assutam esse existimet, non adversabor: neque enim de ea intelligenda sunt Varronis & Ciceronis verba.

Quod passim Deus appelletur *Σαβαώθ*, ne hoc quidem recte reprehenditur, cum constet adjectiva & epitheta in omnibus linguis sæpissime transire in appellativa. Verum hoc esse adparet ex gemmis & amuletis Ægyptiorum & Judæorum antiquis, in quibus vox hæc eadem usurpata ratione passim conspicitur.

Illæ quæ de Cæsaribus referuntur, cum manifeste constet non esse ejusdem auctoris, sed sero demum a Christianis gnosticis addita esse videntur; opus non est ut ad examen revocentur. Sufficiat hæc de iis dixisse Sibyllinis, quæ non ab aliis quam a Judæis, & quidem ante adventum

Servatoris nostri, potuere conscribi. Addita-
 menta enim quæ majorem horum librorum
 partem constituunt, ea a Christianis esse con-
 ficta, libenter cum Celso agnoscimus. Clarum
 est itaque quantum fallantur ii, qui omnes
 istos Sibyllinos libros Adriani Cæsaris ætate,
 aut etiam postea, conscriptos fuisse, ausi sunt
 adfirmare. Erroris eos convincere possint,
 non complura tantum quæ attulimus loca,
 sed & Josephus, qui ex Sibyllinis citat locum
 de ædificatione turris Babylonice, quem si quis
 cum Sibyllæ conferat verbis, quæ exstant
 haud longe ab initio libri tertii, facile agno-
 scet, non aliunde, quam ex his ipsis esse de-
 promptum Sibyllinis.

CAP. IX.

*De altera Sibylla Erythræa, cujus carmina non a
 Judæis, sed ab Ethnicis fuere conficta.*

CUM supra monuerimus, fuisse & alteram
 Erythræam Sibyllam, quam sub Alex-
 andro magno floruisse Strabo testatur; jure
 aliquis existimet, hujus esse versus qui apud
 Phlegontem exstant Trallianum Scripto de
 longævis. Scribit is Sibyllam hanc vixisse an-
 nis pene mille: id si sit, stultum fuerit uni
 ætati adscribere eam quæ tam multis vixerit
 ætatibus. Ipsa de se sic scribit;

Ἐννέα μὲν γυναικὲς χαλεπὸν χρεὶ γῆρας ἔχουσιν,
Μαίρη μὲν ἐνὶ θυνοῖς, καὶ ἄπιστα λέγουσα.

Versus hos sic esse concipiendos patet ex eo, quod Phlegon subijciat Sibyllam hanc unicuique *ἡμεῖς* attribuisse annos centum & decem. Palam itaque vixisse annos pene mille, cum novem *ἡμεῖς* conficiant annos nongentos & nonaginta. Infeliciter admodum hæc accepit & corrigere conatur vir magnus in Solinianis. Subjungit postea hæc Sibylla sese *σαρκωτοῦ καὶ γῆρας*, id est carnibus afflicta & senio pene defluentibus propter peritiam in arte vaticinandi incursum Apollinis invidiam, & ab eodem sagittis confossum iri. Antiqua enim lectio fuit, *σαρκωτοῦ διὰ δόσους γῆρας*, non *σαρκωτοῦ*, quod inepte de sagitta accipias. Pergit dein eadem Sibylla, & dicit, animam suam per aera dilapsam pervasuram alites, & sic futurum ut sint aptæ auguriis. Insepultum vero corpus permixtum terræ producturum herbas, quas cum depascantur pecora, fore ut extispiciis apta habeant viscera. Similia his de hac nescio an de Delphica Sibylla ex Sarapione prodidit Clemens Alexandrinus Strom. Lib. 1.

In sequentibus dein versibus eadem Sibylla monet Romanos ut ludi instituantur seculares, & ut Jovi, Junoni & aliis diis sacra fiant in campo Martio, qua Tiberis est angustissimus, sic enim fore ut totius potiantur Italiæ. Sed vero cum tempore Alexandri Magni, non tanta Romanorum apud Græcos fuerit fama, nec ipsi Romani scriptores hujus vaticinii faciant mentionem, satis verisimiliter conficitur, versus hos non posse istius esse Sibyllæ, quæ

Alexandri floruerit tempore. Imo ne illo quidem exstitisse tempore existimo, quo Erythras missi a Romanis fuere legati. Si enim exstitissent, utique & illos Romam deportassent. Sed vero mille isti versus qui Romam allati fuerunt, illi ab idiotis erant conscripti, a Judæis nempe ut jam ante diximus. Siquis autem Græcos qui supersunt Judæorum consulat versus, prorsus illos similes fuisse inveniet, ac fuere veterum Christianorum carmina, quæ si unum & alterum excipias, istiusmodi sunt, ut Scaliger sibi in sterquilinio versari videretur quotiescunque ad ea legenda se conferret. At vero illi versus qui apud Phlegontem sub Erythrææ nomine reperiuntur Sibyllæ, nihil minus quam idiotas habuere auctores, cum & puri & elegantes sint satis, ita ut non potuerint ab aliis quam a linguæ Græcæ peritis & ab ipsis, quorum continent ritus, conscribi gentilibus. Non puto me male divinare, si ipsum Phlegontem horum auctorem fuisse dixerō. Complura carmina & oracula suis ille inseruit scriptis: ea si quis legat & cum his conferat, adeo gemella inveniet, ut vel ex ipsa similitudine unum eundemque omnium statim agnoscat parentem. Nec immerito quod de Diogene Laertio, idem quoque de Phlegonte dixeris, illum ostentandorum carminum gratia suos edidisse libros. Attamen quo minus elegantes isti Phlegontis videantur versus, non debent offendere maculæ aliquot quæ in illis occurrunt, quas commode absterges ex Zosimi histor. Lib. II. Nam quo loco legitur *παλογοῖς μοῖραις*, reducendum *παλογοῖς*. Parcæ enim

nim a nonnullis, ut a Lycophrone, maris di-
ctæ sunt filiæ. Qui paulo post sequitur inqui-
natissimus versus sic reformandus; αὐτὴ δὲ γαίη
Παρθενὸν χοῖρον † καὶ ὅς ἱροῖτο μέλαινα. Ambarvale enim
intelligit Sacrificium, quod porca fecunda &
gravida fieri consueverat. Pro αἰσία δέχθω, melius
apud Zosimum ἴσα δεδέχθω. Denique postea
scribe;

Οὐρανὸς τὰς πᾶσι παρθενισμῶν καίδω
Οφρα † ἐπλυτέρησι καὶ ἀδράσιν ἐδριώσιν.

CAP. X.

*Judeorum Alexandrinorum de rege venturo sen-
tentia.*

QUAMVIS in nonnullis non satis conveniat
inter auctorem Sibyllinorum, qui sub
Cumææ, & alterum qui sub Erythrææ nomi-
ne Sibyllæ sua edidere oracula; in pluribus ta-
men eos conspirasse satis ex iis quæ hæcenus
diximus, clare potest intelligi. Cum in multis
aliis, tum quoque in tempore adventus magni
regis unum sensisse videntur, cum illum affu-
turum dixerunt, si quando Ægypto potirentur
Romani. Versus Erythrææ Sibyllæ, quibus hoc
continetur, supra adduximus. Similiter sen-
sisse Cumæam colligo ex Lucano lib. 8.

*Haudequidem immerito Cumææ carmine vatis
Cautum, ne Nili Pelusia tangeret ora
Hesperius miles.*

Idem quoque habet Cicero in epistola ad Lentulum, nec non Dio & alii, cum scribunt magno futurum malo Reip. si cum imperio Romani Ægyptum adirent. Magnum istud malum ex iisdem Sibyllinis Cicero interpretatur magnum regem, cujus vel ipsum nomen quam formidabile visum fuerit Reip. amantibus satis declarat, cum jubet ut sacerdotes isti, qui ex præscripto Sibyllæ regem Romanis minantur, *quidvis potius ex illis libris, quam regem proferant; quem Romæ posthæc nec dii, nec homines esse patientur.* Licet vero veritatem hujus vaticinii exitus docuerit, mirum tamen poterat videri Romanis, quod cum Alexandrini & Ægyptii, alios salvos esse posse negarent, nisi regem admitterent; ipsi tamen regium imperium & fasces consulares & omnem pompam nollent admittere, regem videlicet expectantes pacificum & sine pompa; & sane causa suberat politica. Non Ciceronis tantum ætate, sed & sub Cæsaribus, quam libertatis fuerint amantes Alexandrini, vel Gallieni docet factum, qui cum Theodoto vellet imperium proconsulare decernere, a sacerdotibus est prohibitus, dicentibus, *fasces consulares ingredi Alexandriam non licere*, ut testatur Trebellius Pollio in Æmiliano. Quin & ad minas usque progressi vetus addebant oraculum, tum demum liberam fore Ægyptum, si quando in eam venirent fasces & prætexta Romanorum. Sane constat Ægyptios excussisse jugum Romanum postquam Christianismus invaluit, & Ægyptus cecit in prædam monachis. Quod passim alibi fieri solet, ut ubicunque hoc homi-

hominum genus pedem figit, ibi protinus cessent principum & magistratuum jura, id ipsum in profunda, id est, superiori præcipue contigit Ægypto. Tanta ibi fuit monachorum copia, ut præter eos qui in eremo habitarent, ipsæ quoque urbes adeo iis fuerint repletæ, ut plures in illis monachi quam laici numerarentur. In sola Oxyrynchi civitate præter decem monachorum millia, viginti sacratarum virginum memorantur habitasse millia. Ipsam vero quod attinet Alexandriam, quandocunque ea propriis uti legibus permittebatur, & linguæ constaret libertas, in immensum semper crescebat; & adeo quidem ut temporibus Augusti ipsam quoque Romam incolarum numero superare crederetur. Displicebat quidem principibus Romanis pati in suo regno Rempublicam, displicebat Alexandrina ne ipsis quidem parcens principibus dicacitas; sed compensabant emolumenta, cum sola Alexandria in tributis & vectigalibus tantundem conferret quam tota Gallia, præter annonam quæ singulis annis ad quadrimestre urbi sufficeret Romanæ. Quam ægre istam linguæ impunitatem tulerit Trajanus, princeps alias optimus, satis colligas ex Panegyrico Plinii; *Percrebuerat antiquitus urbem nisi opibus Ægypti ali sustentari que non posse. Superbiebat ventosa & insolens natio, quod victorem quidem populum, pasceret tamen: quodque in suo flumine, in suis navibus, vel abundantia nostra, vel fames esset.* Cum vero sterilitas intercessisset & Ægyptii penuria laborarent, remisit Trajanus annonam suam Ægyptiis. Ideo mox subjungit; *Resudamus Nilo suas*

*suas copias, recepit frumenta quæ miserat, depor-
tatasque messes revexit. Discat igitur Ægyptus,
credatque experimento, non alimenta se nobis,
sed tributa præstare: sciat se non esse populo Ro-
mano necessariam, & tamen serviat. Libenter
itaque credo Trajanum irritatum evertisse A-
lexandrinorum Remp. eripiendo huic jura &
immunitates quibus fruebatur, neque enim sine
causa est, quod in Hieronymi legitur Chroni-
co, Adrianum Alexandriam a Romanis subver-
sam publicis instaurasse impensis. Hic tamen,
non minus quam Trajanus, ingeniosam istam
Alexandrinorum oderat dīacritatem, ut ipse in
epistola ad Servianum satis declarat. Sed in-
telligebat vir prudens, perire respublicas, si
fermonis auferatur licentia, & pro nihilo ha-
beri quæcunque in populos suos conferunt be-
neficia principes, si simul quoque in linguas
velint exercere tyrannidem. Quamvis itaque
iniquo animo, patiebatur tamen, & utilitate
suadente concoquebat quæcunque & in ipsum
& in Antinuum ab Alexandrinis spargerentur
dicteria. Quam diversa fuerit Antonini Cara-
callæ ratio, & quam immani cæde bellua ista
Ausonia, ut vere de eo pronuntiaret oraculum,
multarit Alexandrinos, ex historiis notum.*

CAP. XI.

Tertulliani & Iosephi de Christo testimonia vindicantur.

Multa quidem de Sibyllis earumque scriptis dicenda superessent, si animus esset ea quoque excutere, quæ passim de his memorantur: sed cum nobis propositum fuerit non de iis agere Sibyllis aut Sibyllinis, quibus ritus & ceremoniæ continebantur gentilium, sed illa solum pertexere, quæ propagandæ fidei Christianæ plurimum profuere: sufficiat ostendisse, longe alius generis illa fuisse oracula, quæ Christi præcessere natales, quæque Erythris & Cumis Asiaticis Romam fuere alata; ac fuerint priora illa quæ una cum Capitolio conflagrarunt, aut item ista quæ postmodum a gnosticis conficta, aliisque fuere asfuta. Desinant itaque hodierni Christiani veteribus illudere Christianis, eorumque fugillare credulitatem. Si illos rideamus, merito quoque ipsos rideamus prophetas, e quorum libris pleraque hæc deprompta fuere oracula. Sed profecto nullos religio Christiana infensiores habet hostes, quam ipsos Christianos, cum vix ullum apud antiquos de Christo aut vaticinium, aut testimonium invenias, quod non complures etiam doctissimi viri labefactare aut etiam penitus evertere fuerint conati. Argumento sint non ea tantum quæ de Sibyllis &

H

Sibyl-

Sibyllinis ex Cicerone, Virgilio, Suetonio aliisque attulimus loca, sed & quotquot alibi de Christo occurrunt loca, adeo illa eludere & falsis interpretamentis enervare conati sunt, ac si illa ipsa, quam profitentur, odio iis fuisset religio. Exemplo sit locus Tertulliani in Apologetico cap. 5. *Tiberius ergo, cujus tempore nomen Christianum in seculum introivit, adnuntiata sibi ex Syria Palestina quæ illic veritatem ipsius divinitatis revelaverat, detulit ad Senatum cum prærogativa suffragii sui. Senatus, quia non ipse probaverat, respuit. Cæsar in sententia mansit, comminatus periculum accusatoribus Christianorum.* Tertullianeius huius loci mentio fit apud Eusebium in historia Ecclesiastica, ubi tamen non satis bene Græce redditur. Sed neque Georgius Syncellus, aut alii e Græcis, recte hæc intellexere. Ut autem hæc verba absurditatis convincent, quid non comminiscuntur, quid non moliuntur viri docti? Sensus attamen est manifestissimus. Dicit enim Tertullianus, cum miracula, quæ in Syria Palæstina edidisset Christus, nuntiata essent Tiberio, eum persuasum de huius divinitate, voluisse Christum divorum adscribere numero, hancque voluntatem suam ad senatum detulisse cum prærogativa suffragii sui. Senatum vero servili adulatione, eo quod ipse Tiberius recusasset Divus appellari, noluisse Christum, exoticum numen, inter divos admittere. Tiberium nihilominus in sententia, ut Christus diis accenseretur, persistisse; & comminatum esse periculum accusatoribus Christianorum.

Ecquid vero illustrius Josephi Hebræi de Christo

Christo testimonio? Vix tamen aliquem inter nostri seculi invenias Christianos, cui id non spurium & adulterinum videatur. Diximus de eo nonnulla alibi: ut vero omnis prorsus tollatur dubitatio, aliud quoque afferam firmissimum argumentum, unde liquido cognoscatur, etiam si verba illa de Christo apud Josephum non exstarent, illum tamen de servatore nostro ita sensitse, ut eum verum Messiam esse crediderit. Hoc sic conficio. Josephus, ubi de Daniele agit Propheta, non ita de illo sentit, quemadmodum vulgo Judæi, qui negant illum fuisse prophetam, adeoque vel nullo vel certe ultimo inter prophetas collocandum sentiunt loco: sed vero ille disertis verbis affirmat, Danielem fuisse prophetam summum, & cæteris majorem, utpote qui non modo res futuras, sed & tempus quando futuræ essent, prædixerit. Ut autem cognoscamus quam bene sibi Josephus constet, colligamus tempus ab anno Xerxis xxiv, quo Nehemiam Jerosolyma venisse scribit, & a quo fluere incipiunt Danielis hebdomades, & porro ipsius Josephi sequamur calculum. Id si fiat, inveniemus hebdomadas illas, sive annos ccccxc, exacte terminari illo ipso tempore & anno, quo secundum supputationem ejus natus fuit servator noster. Eant nunc veritatis & Christianæ religionis hostes, & si possint ostendant, qua fieri ratione potuerit, ut ita de Daniele & hebdomadis ejus locutus fuerit Josephus, si non ut scripsit, ita quoque de Servatore nostro senserit. Et profecto si aliter sensisset, an non omnium Judæorum fuisset imprudentissimus, ita de Daniele &

ejus hebdomadis scribendo? Callidi itaque fuere qui post everſa Jeruſolyma florere Judæi, qui cum viderent, fieri non poſſe ut Meſſiæ non tranſierit tempus, ſi vera ſint Danielis oracula, non dubitarunt ex albo illum expungere prophetarum. Hoc vero ut aliqua cum ratione facere viderentur, quid non in ſuum & S. literarum damnum commenti ſunt miſeri? Primo quidem diverſos Prophetiæ excogitarunt gradus, illos quidem omnes futiles & inter ſe plurimum diſcrepantes, ut videre eſt in directore dubitantium Maimonidæ & in præfatione Davidis Kimchii ad Pſalmos; in hoc tamen convenientes, Daniele non ab ipſo Deo ſuas accepiſſe prophetias, ſed tantum per vocem traducem & echonem quandam, ſeu ut ipſi volunt, filiam vocis fuiſſe locutum. Alterum quo Daniele non fuiſſe prophetam obtineant, argumentum exinde petunt, quod cum fuerit e tribu Juda & ſtirpe regia Davidica, nec ſacerdos, nec propheta eſſe potuerit. Sed cum hac ratione viderent & ipſum quoque Davidem e prophetarum excludi numero, vide quanta ipſos inceſſerit cæcitas & amentia, ut odio hebdomadarum jam a temporibus Aquilæ, non Daniele modo, ſed & Davidem e prophetarum expunxerint choro. ſimulque & ſenſus & ordinem ſacrorum inverterint librorum.

CAP. XII.

*De ordine & divisione Sacrorum librorum quem
Judæi perverterunt.*

OMnes Veteris instrumenti libros, vel absolute Legis, vel Legis & prophetarum, vel etiam latiori appellatione Legis, Prophetarum & Psalmorum comprehensos fuisse nominibus, Servatoris nostri constat testimonio. Posterior divisio exstat quoque apud Josephum primo contra Appionem libro, cum certioris fidei, qui tempore Artaxerxis desierunt scribi, enumerans libros, omnes eos paritur in Legem, Propheticos, & Hymnos vitæ continentes præcepta. Idem plerosque in viginti duo volumina, pro literarum numero Hebraicarum, divisos fuisse affirmat; quinque nempe Moyſis, tredecim propheticos, & quatuor hymnorum seu monitorum. Sed vero si sigillatim omnes enumeremus, cum non viginti duo tantum, sed triginta octo in codice Hebræo inveniantur libri, quærendum quæ ratione a veteribus Hebræis in viginti duo illi divisi fuerint volumina. Si librum Ruth, Canticum canticorum, & singulos minores examinemus prophetas, nunquam efficias ut illi justum constituent volumen. Contra vero si Psalmi uno describantur volumine, mole sua laborabunt & difficulter evolventur. Constat autem vel ex ipsis sacris literis, ut alias gentes,

ita quoque veteres Hebræos, non in codicibus, quod serum demum factum, sed in voluminibus & continuatis pellibus libros suos descripsisse. Hanc itaque si teneas rationem, commode nisi fallor sacræ scripturæ libri sic dividuntur. Libri Moysis quinque constituunt volumina. Tredecim propheticos seu historicos libros, si quidem & historici prophetis accensendi, utpote a prophetis conscripti, sic habetis. Josua, Judices & Ruth, unum constituunt volumen. Quatuor regum & duo Paralipomenon sex constituunt volumina. Esdras, Nehemias & Esther, unum faciunt volumen. Esaias, Jeremias, Ezechiel & Daniel singuli singula conficiunt volumina: quibus si addas duodecim prophetas minores, qui omnes unum constituunt volumen, habetis tredecim volumina prophetorum librorum, quibus omnia continentur quæ a populo Judaico gesta sunt a morte Moysis usque ad tempora Artaxerxis, ut docet Josephus. Superfunt hymni & libri qui vitæ continent præcepta, veluti Job, Psalmi, Proverbia, Ecclesiastes & Canticum canticorum, qui sic distinguendi ut Job unum, Psalmi duo, reliqua vero Solomonis scripta quartum faciant volumen. Hac itaque ratione, ut maxime verisimile, in viginti duo volumina divisa fuere omnia receptoris scripturæ monumenta, quibus merito creditur. Nam quamvis & alii qui in sacris literis sequuntur libri, qui post tempore Artaxerxis scripti sunt, quosque inepte apocryphos vocant, magni faciendi sint; illos tamen non paris cum prioribus esse autoritatis, propter

ter minus certam & legitimam prophetarum
 successionem, scribit Josephus. Et hæc qui-
 dem partitio obtinuit usque ad tempora A-
 quilæ futilissimi interpretis. Hujus demum æ-
 tate innotuit Christianis nequissima & ine-
 ptissima sacrorum librorum divisio, quam odio
 ut diximus hebdomadarum Danielis com-
 menti sunt Judæi vel ipse Aquila, pervertendo
 sensus & ordinem scripturæ, inducendo no-
 vam distributionem, Legis videlicet, pro-
 phetarum, & hagiographorum, & rejicien-
 do Danielem extremo pene inter hagiogra-
 phos loco. Miror hanc fraudem non subo-
 luisse Christianis, sed profecto a nullis illi li-
 bentius, quam a Judæis decipi se patiuntur.
 Si quæras quid sint *ἀγιογραφα*, nemo facile dixerit,
 cum sit ineptum vocabulum, & contra naturam
 linguæ Græcæ formatum, æque ac *ἱερογραφα*. Ple-
 na futilibus istiusmodi vocabulis fuit Aquilæ
 versio. Judæi cherubin seu libellos simplici-
 ter vocant. Et tamen reperiuntur qui Judai-
 cum hanc Sacrorum librorum partitionem
 sequuntur & probant; dicentes etiam Rabbi-
 nos fateri spiritus sancti afflatu hos esse con-
 scriptos. Sed si Rabbinos consulas, ridebunt,
 utpote gnaros quid per spiritum sanctum in-
 telligant.

CAP. XIII.

Vindicantur nonnulla LXX interpretum loca, male a quibusdam reprehensa.

Sed profecto nostri seculi hominum in eludendis argumentis & testimoniis, quæ ad roborandam Christianæ religionis veritatem præcipue faciunt, non hic subsistunt conatus: siquis sacra evolvat volumina vix in toto veteri Testamento aliquod de Christo inveniet vaticinium, quod in hodiernis versionibus, non ita perversum & depravatum legatur, ut sincera & manifesta aliqua prophetia nusquam adpareat, imo sæpe ne sensus quidem ullus, aut certe tam multiplex, ut vel ipsa expositionum varietas, cuicunque bonæ menti non scrupulum tantum, sed & indignationem incutere, meritoque vel ipsam quoque suspectam possit reddere veritatem. Ne nobilissimum quidem Jacobi morientis oraculum intactum & immaculatum reliquerunt, nec illud Biliani prorsus huic geminum, quod exstat Numer. Cap. xxiv, quodque tam putidis & ineptis inquinaverunt interpretamentis, ut vel quantumvis morosus lector vix risum contineat. Et tamen hic ipse est locus quem signat Evangelista, cum dicit; *Ex Ægypto vocavi filium meum*, ne quis somniet ex Oseæ Cap. xi. v. i. verba ea esse deprompta. Quod si sublati apicibus & incrustatura Rabbinica, excutiamus

cutiamus vocabula Hebræa, apparebit ilico veritas, & inveniemus illum ipsum quem LXX interpretes expressere sensum.

Quin & eo nonnulli progressi sunt audaciæ, seu impudentiæ potius, ut ipsum quoque Christum & Apostolos accusarint, quod verba sacrorum librorum, non eo sensu quo accipiuntur in Hebræo fonte, sed quemadmodum in corrupta, ut loquuntur, LXX interpretum legebantur versione, in usus suos converterint. Quis ferat theologos affirmantes Apostolum quod in depravato aliquo codice Psalmo XXXIX reperisset *ὁ κύριός ἐστι κατὰ τὴν ὁμιλίαν μου*, bellissimam inde prophetiam concinasse? Quid demum est impostura si hæc non sit? Non desunt qui istiusmodi fraudes pias & officiosas vocent, simulque altum clament vocem Hebræam non corpus, sed aures notare. Quis vero ipsis revelavit, idem vocabulum si aliis animetur vocalibus, plures non habuisse significationes, & non etiam hoc notasse, quod LXX posuere interpretes? Opus non est ut *אָפֵן* aures interpreteris, si statuamus primam literam non esse radicalem, sed servilem, ut vulgo loquuntur: id si feceris, jam commodè ea vox derivari possit a radice *פָּר*. Aut si id non sit, quis vadem se sistat, non immutatum a Judæis fuisse hunc locum, vel ob hoc ipsum, quod nobilissimum de Christo contineat vaticinium? Iterum instant, fieri hoc non posse, cum Judæi religiosissimi sacrorum librorum semper fuerint custodes, & mori malint, quam vel unam violare literam. Audio quidem Christianos sic affirmantes, sed vero si quis ipsos consulat

Judæos, longe illi aliter loquuntur. Fatentur illi se multa sacrarum literarum loca expunxisse, fatentur antiquos Rabbinos, utilitate suadente, & verba & sensus immutasse, dicentes, *Pereat litera, & sanctificetur nomen Dei benedicti.* Nihil a me hic fingi cognoscet si quis Thalmudicos adeat libros, in quibus pluribus locis hæc legas; *Bonum est ut evellatur litera de lege, & ut sanctificetur nomen Domini.* Quamvis infinita propemodum sint loca, quæ aut immutata, aut etiam omnino erasa olim ab istis Judæorum fuere magistris, unum adduxisse sufficiat, quem manifestum sit illos expunxisse, vel quod eum non intelligerent, vel quod verbis Christi lucem afferret, vel potius ne in persolvendo gentibus tributo legis suæ prævaricatores esse viderentur. Locus is occurrit Deuter. Cap. xxiii, ubi postquam jussit legislator, neque inter filias Israelis meretrix, aut inter filios Israelis inveniatur exoletus, addit, οὐκ ἔσται τελεσφόρος ἀπὸ θυγατέρων Ἰσραὴλ, οὐδὲ τελεσφόρος ἀπὸ υἱῶν Ἰσραὴλ. *Ne sit quæ vestigal solvat inter filias Israelis, aut exoletus qui tributum pendat inter filios Israelis.* Olim aliter sumus interpretati, nunc ampliato judicio veram damus expositionem. Non prohibet simpliciter scorta & meritorios pueros, sed ne quidem illos permittit, etiamsi publicum fornicationis solvant vestigal. Causam mox subjungit, quod merces meretricis & donum catulastris, non debeat inferri in domum Domini, cum utrumque abominetur Deus. Οὐ προσέσεις μίσθωμα πόρνῃς, οὐδὲ ἀλλάγμα κυνὸς εἰς τὸν οἶκον κυεῖν ᾧ θύει σὺ πρὸς πᾶσαν οὐχλῶν, ἢ πρὸς βέβηλμα κυνέω τῷ θεῷ

οὐ δὲ καὶ ἀμφότερα. Τυλισκόμῳν vero hic accipi pro
 puero qui pudorem suum prostituit, quam-
 vis vel ipse doceat sensus, docent quoque He-
 lychius & alii grammatici, cum τυλισκόμῳν & τη-
 λισκόμῳν pro eodem accipiunt, & ἀδελφῶν vel μα-
 μασκόμῳν interpretantur. Idem itaque jubet hic
 Moyſes, quod jussisse Alexandrum Severum
 testis est Lampridius in ejus vita; *Lenonum*
veſtigal & *meretricum* & *exoletorum* in sacrum
ararium inferri vetuit: sed sumtibus publicis ad
inſtaurationem theatri, circi, amphitheatri, ſta-
dii deputavit. Et hic quidem est verus sensus,
 & vera interpretatio loci, qui merito viſus est
 difficilis, non antiquis tantum Patribus, sed
 & illis quoque, qui eos præceſſere Judæis, ut-
 pote quorum complures ita eum acceperint,
 ut quod Moyſes ſcripſit de utriusque ſexus
 ſcortis veſtigal templo e turpi corporis quæ-
 ſtu conferentibus, ipſi de omnibus Judæis
 intelligendum eſſe crediderint, ac ſi legiſlator
 voluiſſet, nullum omnino inter Judæos publi-
 canum eſſe debere, nec ullum gentibus perſol-
 vendum eſſe tributum. Avidē hunc locum
 arripuere Theudas, Judas Gaulonites, Simon
 Galilæus & complures alii, qui non helleni-
 ſtæ, ſed γῆνοι volebant videri Judæi in ſuſci-
 tanda contra Græcos & Romanos plebe, ac ſi
 Deus vetuiſſet gentem ſuam aliis eſſe veſtiga-
 lem gentibus. Recte itaque in veteri verſione
 Latina, æquali aut etiam antiquiore tempo-
 ribus Apoſtolicis, locus hic ita redditus fuit;
Non erit veſtigal pendens ex filiis Iſrael, ut non
 dubitandum ſit, quin locus hic jam olim e
 Deuteronomio ſublatus fuerit a Judæis. Quod
 ſiquis

fiquis dubitet, illum vel ipsius Christi possit convincere testimonium. Si enim id non sit, frustra quæsiissent Pharisei præsentibus Herodianis, *an licitum sit Cafari censum persolvere.* Ut nempe vel apud plebem, vel apud Romanos causam eum accusandi haberent, hanc ipsi quæstionem proposuere. Si negasset vectigal solvendum esse, veluti reum & morte multandum tradidissent Romanis. Si vero annuisset censui esse satisfaciendum, jam veluti contradicentem legi, ab ipsis Judæis lapidibus obruendum censuissent. Caute itaque & prædenter viso numismate respondet, *Da Cafari quod est Cafaris, & Deo quod est Dei.*

Verum non hic tantum, sed & quotquot fere alii in sacris literis a Christo citati occurrunt loci, vel absunt omnino, vel ita depravati & mutili leguntur, ut vel nullum omnino, vel certe admodum a veritate alienum ex iis elicias sensum. Matthæi, xv, & Marci, vii ut ostendat Christus Phariseos pluris facere traditiones & mandata hominum, quam præcepta Dei, hæc adducit Esaiaë verba ex Cap. XXIX, *Μά τινα δὲ σὺ κοιτᾷ με διδασκόντες διδασκαλίαις ὑπάλματι αἰσχροῦτων*, Sic quoque habent LXX interpretes. Si Hæbræum consulas codicem, non invenias ibi vocem frustra, qui tamen sensum constituit, sed וְרַר, cum vera lectio sit וְרַר, quod pluribus in locis iidem interpretes reddidere *מָאֵתִיב* vel *עֵיטֵי כַּנְבֵּן*. Quamvis non opus sit quidquam mutare, cum notum sit joth sæpe poni pro vau. Si hodiernas quotquot sunt consulas versiones, nihil quod ad rem faciat, nihil nisi scopas invenies dissolutas. meritoque Christus ludibrio

Indibrio fuisset Pharifæis si ex illis Eſaiæ ver-
bis, prout hodie leguntur, iſtum quem inten-
dit, conatus fuisset exſculpere ſenſum.

Reſipiscant igitur noſtri ſeculi homines, &
ſi LXX interpretibus, ſi denique Apoſtoliſ &
Chriſto non credunt, credant ſaltem illis qui-
bus blandiuntur Judæis, cæcis quidem ducto-
ribus, in hoc tamen recte ſentientibus, quod
unanimitè agnoſcant periſſe linguam He-
bræam, nihilque præter mutas ſupereſſe lite-
ras, neſcirique vim & poteſtatem vocabulo-
rum. Si quid Hebraicæ linguæ ſupereſt, to-
tum hoc LXX interpretibus acceptum fera-
mus neceſſe eſt. Tollantur illi, ſimul quo-
que tollitur qualiſcunque linguæ Hebraicæ
ſupereſt ſcientia. Abſque illis ne unum qui-
dem verbum recte interpretari poſſimus, &
quod ſacris veteris teſtamenti libris fruamur,
totum hoc illorum eſt beneficium. Si quis
dubitet, adeat ille quæcunque hodierna lexica
& verſiones ab ipſis Judæis, ſeu ad mentem
Judæorum factas, nullas omnino bonas inve-
niet expoſitiones, quæ non ſint a LXX de-
ſumtæ interpretibus. Ubi-
cunque vero in his
ſenſus aut vocabulum aliquod occurrat, quod
non intelligant, hærent miſeri, fruſtraque ſe
torquent & mirifica ipſi ſibi fingunt ſomnia,
idque in minimis ſæpe faciliſſimique. Prover-
biorum Cap. xxv. v. 20. legitur in verſione
LXX interpretum, ὁ ὡς ἀρούρημα ἐκείναι ἀσύμφορον καὶ καπνὸς
ἄμμιον, ὅπως ἀρροπὸν πᾶν ἐν σώματι καθὶ τὸν λυγρὸν. Quod
locum hunc nullo ſenſu ſic redditum legiſſent,
quemadmodum acetum trahit inutile &c. Mi-
rum in modum in LXX debacchantur inter-
pretes,

pretes, & כרר non id quod habent isti interpretes, sed quod iidem alio posuere loco, nitrum nempe, reducendum esse contendunt. Sed quid quæso sibi vult *quemadmodum acetum nitro inutile*? Quis ænigma hoc expediat? Quis puer non videat ἑλκεσι esse dativum ab ἑλκος ulcus? sic nempe vertendum fuerat; *Quemadmodum acetum ulceri inutile & fumus oculis*, sic incidens in corpus noxa, cor contristat. Ut enim Græcis φλύκταινα, ita quoque Hebræis & Chaldæis כרר a fluore & ebullitione nominatur. Ne hoc tantum loco, sed & ubicunque non intellexere LXX interpretes, ibi videre est hodiernos interpretes meras promere ineptias, & quod mirere, quanto minus illos intelligunt, tanto magis illis irascuntur. Integra possim adducere capita, præsertim ex obscurioribus sacræ scripturæ libris, qualis est Ecclesiastes, Jobus, Oseas, & alii, in quibus ne unicus quidem occurrat versiculus, qui nostri seculi interpretibus recte acceptus & redditus fuerit. Ubicunque deferuntur LXX interpretes, ipsa quoque ibi deferitur veritas. Magni facio Bochartum, cum propter insignem viri eruditionem, tum quoque eo præcipue nomine, quod multum his tribuat interpretibus, & sicubi in scriptis ab iis dissentiat, prudenter & modeste id faciat. Attamen si quis omnia ejus evolvat opera, ne unum quidem inveniet locum ubi recte ab eo antiqui illi reprehensi fuerint interpretes. Nusquam eos acrius fugillat, quam in istis locis ubi כרר reddiderunt Sirenes, ac si hoc de fabulosis istis, quas memorant poetæ, accipiendum fit

sit tribus sororibus. Sed sane, ut semper & ubique, ita quoque hoc loco optime vertent interpretes. Σειρήναι enim non sunt id quod vulgo putant, sed est genus vesparum seu crabronum vivens in eremo, cujus etiam meminit Aristoteles cum inter novem genera animalium mellificantium recenset tria μοναδιὰ quæ non faciant examina; σειρήνας nempe minores, qui sunt fusci coloris, alios σειρήνας majores & nigri coloris, & tertios præterea κορυβάνες, qui sunt omnium maximi. Si quis loca Sacra conferat scripturæ, videbit omnia quam exactissime convenire cum hac expositione. Sævum enim & infestum esse hoc animal, utpote quod ipsas quoque animas in vulnere ponat, notum est omnibus. Cantum vero lugubrem, seu θρήνον & κοπῆτον, ut loquitur propheta, & is quoque notus. Itaque Eustathius ad φ. Οδυσ., istos Sirenas dicit ἀμυδρὸν τι κλαυθμυαίζον.

CAP. XIV.

Quomodo disputandum cum Judæis, & qua praeceptis ratione sint convincendi.

INfinitum suscipiamus laborem, nec brevi hoc scripto absolvendum, si singula persequi velimus: hoc solum dixisse sufficiet, si in expositione sacrarum literarum Judæis hostibus Christianæ fidei adhærere velimus, perire & in nihilum

hilum recidere pleraque ea quæ ad adventum Servatoris nostri præcellere vaticinia, adeoque ipsum Christianismum. Quamdiu una versio & unus tantum sacrorum librorum fuit sensus, non infinita tantum gentium multitudo, sed & maxima Judæorum pars ad fidem compellebantur christianam: at vero nostro hoc tempore, ubi Judæis permixti vivunt Christiani, vel nullos vel paucissimos Judæos invenias, qui ad Christianorum transeunt castra, cum plurimi passim Christiani, vel clam, vel etiam palam Judæorum fiant Proselyti. Commentitia Rabbiorum grammatica istud jamdudum effecit, ut cum tam multiplex factus sit sacrorum literarum sensus, ut alia expositio aliam destruat; soli tamen exulent sensus quos LXX posuere interpretes, quosque & Christi & Apostolorum confirmavit & sanxit autoritas. De Judæis minus mirandum, rem suam faciunt cum suis adhærent commentis & incautos circumveniunt Christianos, eosque sub disciplina habent sibi vectigales. Sed vero quis non obstupescat tam multos Christianos, quorum erat officium Judaica ista evertere commenta, obstinatus tamen illa tueri, quam ipsi faciunt Rabbini? Solo hoc Judæi telo imprudentes conficiunt Christianos, & sola Rabbiorum sufficit Grammatica ut de Evangelio & cruce Christi triumphare sibi videantur. Haud semel interfui nostrorum cum Judæis de religione conflictibus, qui tamen parum prospere Christianis cessere. In altercationibus nempe cum Christianis eo semper utuntur artificio Judæi, ut unum tantum disputationi poni postulent funda-

fundamentum, quod utrique admittant, vetus scilicet testamentum. Hoc si concesserit Christianus, væ illi. Cum enim in tota vita unum hoc agant Judæorum magistri, ut sese exercent in præceptis & legibus Grammaticæ a Rabbinis stabilitæ, totamque Hebraicæ linguæ cognitionem in ea collocent, admittentibus id ipsum Christianis; fieri aliter non potest, quin totus controversiæ status ad Grammaticam devolvatur, quæstioque fiat utri in lingua Hebraica sint doctiores, Rabbinii videlicet, an Christiani eorum discipuli. At vero si quis cum Judæis congredi velit, longe aliam necesse est insitiat viam, nec permittendum ut vetus testamentum separetur a Novo, utpote sine quo ne vetus quidem possit subsistere. Ostendendum iniquum & stultum esse aliquod adstruere & stabilire fundamentum, cui ne ipsi quidem credant, utpote qui Christum prædicto multis Prophetis tempore advenisse negent. Christianos vero recte vetus admittere testamentum, utpote credentes Novum testamentum esse demonstrationem & complementum veteris. Hanc disputandi rationem tenuere primi Christiani, qui nunquam perpeffi sunt Novum a Vetere avelli Testamentum. Ecclesiastica regula & fundamentum fidei semper fuit veteris & novi Testamenti concentus, & utriusque scriptorum consonantia. Quicunque hac conditione cum Judæis se committit, certa illum manet victoria, efficietque ut aut discedant aut obmutescant Judæi, cum sublato Novo tollatur quoque Veteris testamenti auctoritas, & nulla sit causa ut huic

credamus, si nec dum advenerit Messias, & necdum impleta sint Prophetarum Vaticinia.

Quod si negent Judæi illum veteris & novi Testamenti concentum & nihilominus fiat quæstio de intellectu linguæ Hebrææ & expositione S. Scripturæ, imprimis cavendum a spuria ista & commentitia quam diximus hodierna Grammatica, qua multos credulos circumveniunt Christianos, cavendum quoque ab omnibus versionibus & explicationibus factis ad placitum Rabbinorum, & firmiter adhærendum versioni LXX. interpretum & iis expositionibus quæ receptæ fuerunt ab omnibus Judæis qui Christi & Apostolorum tempora præcessere: hoc si fiat, & tum succumbent Judæi.

Ut autem veritas LXX. interpretum, & Rabbinicarum intelligatur futilitas versionum, commode ipsi subveniunt Rabbinii. Cum enim quotquot sunt inter eos prudentiores & majoris autoritatis, fateantur periisse Hebraicam linguam, & laceras tantum superesse reliquias, nesciri significationem vocabulorum, codicemque Hebræum factum esse mutum & nemini intelligendum, eo quod una cum lingua perierint quoque vocales, ideoque eo seducti sint miseri Judæi, ut ne legere quidem sciant Hebraice: agnoscentibus inquam hæc omnia omnibus fere antiquis & melioris notæ Rabbinis; quis non ipsis merito credat cum palam profitentur, vere in se completum esse, id quod fore prædixerat Esaias, ut omnis scientia & intellectus Oraculorum Dei ab ipsis tollatur & transeat ad gentes, nec cessaturam
hanc

hanc linguæ Hebrææ inscitiam, ut ipsi addunt, donec veniat doctor Messias, qui obsignatum referat librum, & pristinum linguæ restituat intellectum. An Messias instauraturus sit usum linguæ Hebrææ ad salutem non admodum necessaria, per me licet ut credant Judæi; interim eatenus taceant & contineant se ab interpretandis sacris libris, quos propria confessione non intelligunt, donec iste adveniat Messias.

Sed Judæis hac in parte quidam obloquuntur Christiani, dicentes nec periisse, nec perituram linguam Hebræam, sed vel invitis ipsis Judæis semper & fuisse & futuram ipsis vernaculam. Verum, nequid gravius dicam, sic sentientes ipsis Judæis & Rabbinis deridendos propino.

Iterum instant, si non a Judæis, unde & a quibus Hebræi codicis petenda sit interpretatio? Sæpius jam respondi: sed cum eadem toties moveatur quæstio, oportet quoque, ut sæpius eadem repetam. Libens itaque concedo a Judæis petendam esse veram sacrarum literarum interpretationem; sed non ab istis Judæis qui Christianæ fidei sunt hostes, quique sponte sua fatentur se nescire Hebraice; sed ab illis, qui florente & superstite etiamnum Hebraica lingua sacros verterunt libros, quique pro veris & sinceris habiti fuere interpretibus ab omnibus qui Christi tempora præcessere Judæis, ab ipso denique Christo & apostolis, & ab omnibus Christianis Ecclesiis. Sed inquirunt non superesse LXX interpretum versionem, & illam quæ vulgo exstat, ineptam esse & futilem. Ita quidem Christiani nonnulli, ipsi hac in

parte fuitiles & inepti, sed non sic Christus & Apostoli, non denique Judæi quantumvis huic versioni & Christianis inimici; quapropter ad illos me converto.

Omnes itaque Judæos, qui Christi præcessere tempora, agnovisse hanc solam versionem velut legitimam, & non tantum fideliter reditam, sed & divinitus inspiratam, testantur quotquot fuere vetustiores Judæi. Usque ad tempora Aquilæ nulla alia lecta fuit Scriptura in omnibus Judæorum Synagogis, præter illam LXX. interpretum: perierat quippe intellectus linguæ Hebrææ, utpote quam ne ipsi quidem callerent Judæorum Rabbini. Diu demum, post everſa Jerosolyma, cum viderent se hujus versionis veritate premi a Christianis, ausi sunt dicere, interpretes illos aliqua non satis bene vertisse. Nullus tamen reperi- tus fuit Judæus, qui negaret illam esse veram & genuinam LXX. interpretum versionem. Non Origenis, non denique Heronymi ætate quisquam fuit qui hos non agnosceret interpretes, & sane ridiculi fuissent, & mille testibus convincendi, si tam manifestæ veritati contradixissent. Sed & postquam Aquilæ prodiit versio, remansit nihilominus apud Judæos usus antiquæ translationis; cum enim obscurissima & distortissima esset Aquilæ versio, merito multis displicebat, utpote qui verborum quidem aliquam, nullam autem sensus habuisse rationem videretur. Magis itaque placuit quæ postmodum prodiit Theodotionis translatio, quæ quod proxime ad LXX. interpretum accideret versionem, ideo & clarior & com-
modior

modior multis visa fuit Judæis. Attamen & illud æq; ac Aquilam peccasse ubicunq; a vetere recessit versione, licet in promptu sit ostendere, consulto præteribimus; nunc enim ut argumentum persequamur, istud monuisse sufficit, versionem, quæ ab omnibus semper agnita fuit Christianis pro vera & genuina LXX. interpretum versione; illam ipsam quoque lectam in Synagogis & approbatam ab omnibus antiquis fuisse Judæis.

Supereſt itaque quæſtio, rectiusne S. Scripturas interpretati ſint illi Judæi, qui florente & ſuperſtite etiamnum Hebræa vixerunt lingua, an vero iſti, qui vel olim, vel hoc noſtro ſeculo novas excuderunt verſiones, poſtquam nempe vel iſtis fatentibus Judæis periit lingua Hebræa. Veritatis inquiunt nonnulli habendam eſſe rationem. Sed vero ecqua certior Chriſtianis habenda ſit veritas, atque illa, quam & Chriſti & Apoſtolorum ſanxit auctoritas? Judæos vero quod attinet, an non etiam illi tutius credant veteribus Judæis linguæ Hebraicæ gnaris, quam Rabbiniſ recentioribus ſponte ſua agnoſcentibus ſe non intelligere linguam Hebræam? Inſtant tamen, non reperiri in Hebræis codicibus id quod LXX. poſuere interpretes. Recte quidem, ſi apices & novitia Rabbīnorum ſequamur puncta. Sed vero puncta iſta vocalia tollantur, tollantur quoque immutationes quæ Chriſtianæ religionis factæ ſunt odio, & illico veritas & convenientia verſionis LXX. interpretum cum Hebræis apparebit codicibus. Quod ſi ne ſic quidem in quibusdam locis illa compareat con-

venientia, non LXX. interpretum errori, sed suæ tribuant imperitiæ, & alterutrum agnoscant, vel Hebræos codices, vel Græcam a se non intelligi versionem.

Denuo hic obstrepunt Christiani quidam, sed revera ipsis Rabbiniore Rabbini, & negant puncta vocalia tollenda, nec esse novitium Massoretharum commentum, sed vel ab Esdra vel a Moyse tradita, vel etiam ipsi Deo coæterna esse contendunt. Eo nempe stuporis vel insanix quidam progressi sunt, ut Deum ritu humano Hebraice loqui existiment. Cum vero lingua Hebræa absque punctis vocalibus muta ipsis videatur, esse putant necesse, ut puncta ista fuerint ab æterno, alias enim fore ut Deus aliquando fuerit mutus. Nec tamen de nihilo conficta est hæc insania, habet enim & illa quo se tueatur. Isti quippe punctorum patroni cum videant, si Esdras aut Moyse statuantur punctorum auctores, fore nihilominus ut ante eos lingua Hebræa fuerit muta; ut hanc absurditatem effugiant, aliam longe absurdiorum sunt commenti, linguam Hebræam æternam & Deo vernaculam statuentes; quandoquidem vero, ut ipsi sentiunt, lingua hæc sine punctis subsistere nequeat, rem se conficisse existimant, si & punctis quoque vocalibus æternitatem adscribant.

Hæc est merces, hic denique fructus quem ex viridariis, & ut ipsi loquuntur, ex Judæorum paradisis imprudentes referunt Christiani. Miseros eos merito dixeris, ipsi tamen se beatos prædicant, & infelices vocant, si qui non iisdem pascantur bellariis. Tum demum
pin-

pinguescere eos videas, cum veterum Christianorum derident simplicitatem, utpote qui absque ulla Hebræi sermonis cognitione, ausi sunt nihilominus sacras interpretari Scripturas. Sciant nihilominus inter omnes antiquos Christianos neminem fuisse, cui non majus Hebraicæ veritatis affulserit lumen, quam omnibus simul nostri seculi Rabbinis & semirabbinis Christianis. Illi quippe si non verborum Hebraicorum, attamen sensuum, qui beneficio LXX. interpretum ex Hebræis abunde redundant verbis, fuere intelligentissimi. At vero Rabbinos, cum non admittant LXX. interpretes, illos ne verba nec sensus Scripturæ percipere, nec percepturos antequam veniat iste frustra expectandus Rabbinicus Messias, vel propria illorum constet confessione. Sed quid veteres commemoro Christianos, cur non & in Christum & Apostolos despuunt, velut linguæ Hebrææ & sensuum S. Scripturæ ignaros, utpote qui eadem verba & eosdem quos LXX. interpretes ubique expressere sensus? Si Christi & Apostolorum eos teneat reverentia, unde tanta intemperies in illos qui illorum insistant vestigiis? Sed inquit Judæi secessere ab hac versione. Recte quidem, sed ideo recessere quod viderent Christianos beneficio hujus versionis prævalere: antiquiores enim Judæi totis quadringentis & pluribus annis pertinacissime huic versioni adhæserunt, nec quisquam repertus est qui vel mutire contra LXX. ausit interpretationem. Quod si perstitissent in hac sententia, vel nulli, vel certe quam paucissimi in mundo superessent

Ju-

Judæi. Adeo enim Evangeliiis & Apostolicis scriptis concinit hæc versio, ut quisquis hanc admittit, idem etiam necesse sit admittat Evangelia. Si qui, itaque versionem hanc respiciunt Christiani, superest ut ad Judæos transcant; aut si nolint, æquum est, ut quod Christus & Apostoli, idem quoque ipsi de hac sentiant versione.

Iterum tamen, qui Judæis favent, instant & dicunt; posteriores curas semper esse meliores prioribus, ideoque versiones hodiernas antiquæ versioni esse præferendas. Sic nempe & olim Judæi faventes versioni Aquilæ & traditionibus Rabbiorum, dicere solebant *οἱ σπουδὴ δὲ τερπύου*, ut habet Hieronymus quæstione decima ad Algasiam, quamvis ille locus vulgo non recte concipiatur. Sed vero an secundæ expositiones & *δὲ τερπύου* semper sint præferendæ prioribus, opus non est nostrum interponere judicium, cum ipse Christus satis sic sentientibus responderit, cujus testimonio si non Judæi, qui Talmudicas & Rabbincas expositiones & traditiones verbis & sensibus Scripturæ præferunt, at certe acquiescere debent Christiani. Aquilam vero non vertisse sed pervertisse potius Scripturas, nec amore veritatis, sed odio Christianorum impiam istam condidisse versionem, vel ipsa quæ etiamnum supersunt satis testantur fragmenta. Recentiores vero Judæos, quibus ignota est, non Aquilæ tantum, & aliorum veterum, sed & ipsa quoque LXX. interpretum versio, cum nullas certas sequantur expositiones, utpote qui ex iisdem verbis Septuaginta & sæpe plures dif-

discrepantes eliciunt sensus; quamvis vel ipsa expositionum diversitas erroris possit convincere; attamen cum omnes istæ interpretationes uno grammaticæ a Rabbiniis stabilitæ fulciantur fundamento, ut & hujus quoque cognoscatur futilitas, velim legantur ea, quæ cum alii viri docti, tum præcipue Morinus, de hoc scripsere argumento, quæ siquis non iniquo evolvat animo, facile deprehendet, ne ipsos quidem Judæos tam magnifice de sua sentire Grammatica, quam multi hoc tempore faciant Christiani. Si quis vel ipsa excutiat principia, statim intelliget, quam etiam in his turpiter se dederint. Cum enim potestas singularum literarum ex antiquo Græcorum satis adpareat alphabeto, quod ex Phœnicio desumptum esse plerique fatentur, & res ipsa clamat; quam stultum & ridiculum est credere, si auferantur puncta, jam quoque necesse esse, ut vocalibus veteres caruerint Hebræi? An ergo mentitus est Josephus, cum nomen dei tetragrammaton ex vocalibus constare scripsit? Sed & an Samaritæ, quod punctis careant, carent quoque vocalibus? Persuadeant hoc si possint Samaritis.

Licet progressu temporum, ut apud alias gentes, ita quoque apud Hebræos immutata sit literarum potestas, in principio tamen quinque vocalium loco fuisse apud eos literas *וין* clarius est quam ut quisquam dubitare possit. Exceptis *Vau* & *Ioth*, quæ aliquando vocales, alias vero sunt consonæ, reliquæ semper sunt vocales. Quod autem *וין* quæ olim erant A, E, O, & ipsæ quoque in ho-

diernis Rabbinorum Grammaticis accenseantur consonantibus, id omnem superat barbariem. Quomodocunque enim literæ istæ pronuntientur, ecquis unquam efficere possit, ut non sint vocales?

Quod vero potestatem singularum attinet literarum, minime dubitandum, quin ut forma & ordine, ita quoque potestate in prima sui origine convenerint cum veteribus literis Atticis, seu Ionicis, ita ut θ cum Θ , π cum Π , κ cum χ , ρ cum φ Latino, δ cum α exacte convenirent. Absurdum enim maxime fuerit olim in Syriaco seu Hebræo Alphabeto, tres istas literas δ , α & θ unum eundemque expressisse Sibylum, ut jam olim quoque persuasus a Judæis magistris arbitrabatur Hieronymus. Sed neque de eo dubitandum, cum alphabetum Hebræum, æque ac Græcum vel Latinum, omnibus tam vocalibus quam consonis fuerit instructissimum, quin non tantum a pueris recens discuntibus, sed & ab omnibus integræ voces cum omnibus suis primitus fuerint expressæ vocalibus, ac diu demum postea compendiarium istam placuisse & introductam fuisse scripturam, qualis nunc apud Hebræos, Samaritanos, Syros, Arabes, & plerasque orientis usurpatur gentes.

Istum vero scribendi morem, quando nempe compendii gratia complures omittuntur vocales, non est ut quisquam miretur, cum etiam inter Europæos, barbaris præsertim temporibus, fuerit usitatissimus, & etiamnum, ut diximus, apud plerosque fere Asiaticos obtineat populos, qui hoc nomine rident Europæos,

pæros, quod legere nesciant, nisi omnes exprimentur literæ. Utri rectius faciant, non jam quæritur: illud constat, ut hæc Orientalium scribendi ratio compendiosior est altera, ita ad conservationem linguarum obesse quam plurimum. Clarum hujus rei exemplum in Græco & Romano habemus sermone, qui per tot secula integri propemodum supersunt, cum nullam in Oriente invenias gentem, quæ antiqui sermonis conservarit sibi peritiam, ut vel hinc cognoscas, quam damnosum sit rerum sectari compendia, veluti quæ omnium artium & scientiarum oblivionem inducant. Nec linguæ Hebrææ, quantumvis sancta habeatur, melior fuit conditio, utpote quam plerique doctiores Rabbini periisse unanimiter fateantur. Non autem recens est hæc jactura; diu etiam antequam Christus nasceretur in desuetudinem abierat. Josephi vero ætate, quam rari essent qui eam linguam scallerent, vel exinde cognoscitur, quod ipse adfirmet, vix duos aut tres inter omnes fuisse Judæos, qui Hebraicas Scripturas possent interpretari. Quod jam illo tempore plurimum recessisset ea lingua a statu suo pristino, non in verborum tantum & phrasium intellectu difficultas occurrebat maxima, sed & propter vocalium defectum, eo miseri Judæi redacti erant inscitia, ut ne legere quidem scirent, nisi Hebraica verba Græcis expressa literis adscriberentur, quibus nempe vocalium resarciretur defectus. Hunc scribendi morem a Judæis acceptum, in tetralipsis & hexaplis secutus est Origenes, Hebraicis & Samariticis literis opponens eadem He-

braica & Samaritica, Græcis expressa literis, additis tantum vocalibus ut commode legi possent. Viguit autem hæc ratio per annos fere mille, nempe usque ad tempus Masoretharum, qui ante sexcentos fere annos neglecta hac duplici scriptura, secuti Syros & Arabes, apices & puncta invexere, quibus vocalium loco uterentur. Adeo autem recentia esse puncta & apices istos, vel ex eo satis est manifestum, quod nullus liber, nullumve appareat monumentum, quod quidem quingentis annis sit vetustius, in quo isti compareant. Non Origenes, non Hieronymus, sed neque antiquiores Thalmudistæ, usquam eorum faciunt mentionem. Et sane quam stultus fuisset Origenis & Judæorum, quos secutus est, labor in describendo codice Hebræo Græcis literis, si istis temporibus puncta existissent vocalia.

Arabes autem primos fuisse qui commenti sint apices & puncta vocalia, quæ imitati sint postmodum Syri, a quibus demum acceperunt Judæi in Syria & Ægypto viventes, licet sagaciores fateantur Judæi, clarius tamen id ipsum evincunt punctorum & accentuum nomina, quæ pura putantur Arabica. Sed ut omnis tollatur dubitatio, & ut sciamus, quoniam punctorum vocalium primus fuerit inventor, adscribam locum Leonis Africani ex libro de doctis Arabibus, quem ex Bibliotheca Florentina descriptum penes me habeo. Sic itaque ille in vita Elchabil, prosodiæ & Grammaticæ apud Arabes inventoris; *Similiter etiam Elchabil fuit, qui vocales & literarum*

rum

rum puncta invenit. Nam antiquitus Arabes non utebantur tam punctis quam vocalibus. At quia tempore hujus Elchabil Arabes Coranum corrumpere & depravare coeperunt, ideo vocales & puncta maxima quidem utilitatis & commodi invenit & apposuit.

CAP. XV.

De Literis Samariticis.

JAM vero quod vetustos Hebraicos attinet characteres, quibus ante tempora Esdræ & captivitatem Babylonicam sacri fuere descripti libri, qui illos similes Samariticis fuisse negant, illis præter bonam mentem aliud quod precer non habeo. Præter testimonia & a nobis & crebro ab aliis allata, addantur quoque testes omni exceptione majores Josephus & Aristæus. Ubi enim de interpretandis sacris in Græcum sermonem agunt libris, scribunt, difficultatem non levem in hoc occurrere negotio; quamvis enim Judæi vulgo credantur iisdem literis & eadem qua alii Syri uti dialecto, istud tamen aliter se habere, cum & literas & dialectum habeant peculiarem: utpote cum literis utantur Chaldaicis, & dialectus propter vetustatem scriptorum, plurimum a Syriaca illius temporis discreparet. Verba Aristæi & Josephi si quis perpendat, idem
etiam

etiam agnoscet, ut puto aliter illa exponi & accipi non posse. Quod autem existimant Judæi, Esdram post captivitatem odio Samaritarum Syriacas Assyriis permutasse literas, non est admodum verisimile; nimium enim multis rebus bonis & ipsa quoque luce carendum fuisset miseris Hebræis, si nihil cum Samaritis commune habere voluissent. Quin potius suadente utilitate & communi omnium Judæorum consensu facta fuit hæc literarum immutatio, non tantum facilioris gratia commercii cum Assyriis, sub quorum vivebant imperio, sed & quod Abrahamum antequam in Syriam migraret, iisdem usum fuisse literis, haberent sibi persuasissimum. Quis non miretur hoc demum seculo, contra tot testes, contra tam manifestam veritatem, miseros quosdam insurgere homines, & duplex comminisci alphabetum, alterum sacris, alterum profanis tantum destinatum usibus. Hoc tamen ut efficiant, producant nescio quos nummos Rabbinicis inscriptos literis, sed quos adulterinos esse quivis vel paulo peritior facile deprehendat. Præcipue ostentantur ab illis Sicli quidam, quorum unus Moyfis, alter Salomonis continent effigiem. Sed an non vident miseri se ineptire, cum istiusmodi nummos genuinos esse pertendunt? Adeone præcepti divini obliti fuere veteres Judæi, ut humana facie nummos suos inscripserint? Quod si quis quærat quales fuerint sicli vel nummi, qui post captivitatem Babylonicam in usu fuere, habeat is hoc sibi responsum; vel nullos omnino novos fuisse signatos, quod Chaldaicam
 primo,

primo, deinceps vero Græcam & Romanam coacti fuerint admittere monetam, siquidem jus monetæ cudendæ transit semper ad gentes victrices; vel si etiam post captivitatem Babyloniam signandæ pecuniæ Judæis remanserit potestas, libens quoque & siclos Chaldaicis inscriptos admittam literis. Nullos tamen hactenus vidi quos genuinos esse audeant spondere antiquarii. Ponamus tamen reperiri, quomodo quæso conficiant, illos ante captivitatem Babyloniam esse conflatos, quemadmodum isti alii Samariticis seu potius Syriacis inscripti literis, qui passim occurrunt, quique soli certissimam ostendunt antiquitatem? Hoc tamen illis erat ostendendum, si inficetum istud suum de sacro & profano alphabeto commentum aliqua velint ratione stabilire. Sed & quomodo evincant istos solos sacris esse signatos literis, alios autem profanis? Cum in Chaldea viventes Chaldaicis, inter Syros vero Syriacis seu Cananæis usi sint leteris veteres *Hebræi*: dicant causam si possint, quare alter character sanctior sit altero? Sed video quid sibi velint miseri, libenter nempe obtineant ut libri sacri, nec Chaldaicis, nec Syriacis sint descripti literis, neque enim deum uti characteribus gentium, sed peculiares & solis usitatas cœlitibus Moyfi tradidisse literas. Verum a talibus libens memet ipse abstineo. Restat ut & Evangelia Græcis esse negent conscripta literis.

CAP. XVI.

De Judæorum Grammatica, & de Judæis Hellenistis.

HÆc de literis, punctis & apicibus dicta sufficiant. Superest ut de tota Grammatica nonnihil dicamus. Quamvis in ea excolenda jam per tot secula Rabbiorum præcipui omnem suam posuerint & pene exhausserint diligentiam: ut tamen cognoscamus, quam futilis & nullius pene pretii totus iste sit labor, sufficit mutas & laceras linguæ Hebraicæ expendisse reliquias. Si Græcæ & Latinæ linguæ eadem quæ Hebraicæ esset conditio, nec quidquam præter Homeri & Virgilii scripta vocabulis destituta ad manus nostras pervenissent, cogitemus quæso quam bella sit futura, ea, quæ ex illorum operibus construi possit Grammatica. Aliquanto melius successisset iste labor, si quo tempore suam isti magistri condidere Grammaticam, consulere potuissent tetrapla & hexapla Origenis; unde, si non veram, at saltem meliorem & genuinam magis haurire potuissent Hebraicæ linguæ pronuntiationem: nunc vero quam pravæ & perverfas plerisque vocabulis aptarint vocales, vel e propriis satis colligitur nominibus, quæ in Evangeliiis & in veterum Judæorum passim occurrunt monumentis, ut necesse sit, aut ineptissime & nullo judicio hodierna esse apposita puncta, aut Christum & Apostolos, omnesque
adco

adeo veteres Judæos prophetarum & proavorum ignorasse nomina. Nec in propriis tantum nominibus, sed & in cæteris vocibus, quantum a veteri scribendi ratione recentiores recesserint Judæi, manifestum satis fiet, si quis in patrum scriptis reliquias consulat *Hebraismi*. Minime itaque probo factum Erasmi & aliorum qui opera *Hieronymi* ediderunt, quod invitis antiquis libris veterem expunxerint lectionem, depromptam ex tetraplis & hexaplis *Origenis*, *Hebraicasque* reposuerint voces, animatas vocalibus *Malorethicis*, plurimumque ab antiquis discrepantes.

Hæc cum ita sese habeant, quis non libenter vel ipsis credat Judæis, agnoscentibus aut nullam, aut certe minimam *Hebraicæ* linguæ sese habere cognitionem, cum perierint vocales, & temere susceptus sit totus ille qui circa commentitia puncta versatur labor. Et sane qui fieri aliter possit cum vetustiores Judæi nullas sibi construxerint *Grammaticas*, aut ullam instaurandæ vel conservandæ linguæ curam habuerint, ac ne *Hieronymi* quidem ætate ullus, præter sacros, liber *Hebraicus* exstiterit? Græce omnes scripsere, adeoque ipsæ quoque *δωδεκάστις* seu traditiones, Græco ab illis concinnatæ fuere sermone. Primus liber *Hebraice* conscriptus fuit *Misna*, idque tempore *Justiniani*, aut non multum postea, cujus rei causam fuisse existimo, quod cum hujus imperatoris edicto cautum esset ne Judæi in synagogis legerent *δωδεκάστις*, seu librum traditionum, illi ut edictum eluderent, scriptum hoc in *Hebræum* converterint sermonem. *Misnam* subsecu-

rum est Thalmud Babylonicum, quod incēptum anno Christi DCLV, absolutum vero an-
 DCCXXVI. Sed & Hierosolymitanum Thal-
 mud eodem tempore scriptum fuisse videtur,
 secutaque est mox ingens Rabbinorum turba,
 qui non cessavere exinde usque ad hoc nostrum
 seculum, Rabbinico, id est spurio *Hebræo* ser-
 mone infinita condere volumina. Cum
 itaque ab eo tempore, ex quo Judæi Græcorum
 & Romanorum subiere jugum, usque ad tem-
 pora Justiniani nullus liber *Hebraice* fuerit
 scriptus, aut si qui scripti fuerint, illi omnino
 perierint, quod tantundem est ac si non scri-
 pti fuissent, clarum satis fit, quid de hodie-
 nis sentiendum sit Grammaticis, utpote quæ
 nullo alio, nisi oralium, ut loquuntur, tradi-
 tionum, nitantur fundamento. Nam certe
 puncta seu vocales non fuisse adscriptas, sed
 per oralem tantum traditionem propagatas,
 fatentur antiquiores Rabbinī, & ipse quoque
 maximæ inter Judæos authoritatis liber, qui
 dicitur Cozri. At vero iidem Rabbinī faten-
 tur quoque omnes fere orales periisse tra-
 ditiones, periisse vocales, & codicem *Hebræ-*
um factum esse mutum. Istæc vero quis com-
 ponat? Sed vero sic sentientes Judæos incre-
 pant Christiani nonnulli, & vel ipsis invitis,
 veram linguæ *Hebraicæ* pronuntiationem
 Rabbinorum linguis & faucibus deum alli-
 gassè contendunt. Verum sic sentientes ipso-
 rum Rabbinorum curæ & custodiæ libens com-
 mitto.

Quod autem putant demum post inventio-
 nem punctorum primas prodixisse Gramma-
 ticas

ticas, id omnino aliter se habere existimo. Est enim verisimile Grammaticæ constructionem præcessisse tempus quo Judæi *Hebraice* scribere cœperunt. Quamvis autem ante *Misna* nullus liber alicujus autoritatis in lucem prodierit, apud Alexandrinos tamen & Tiberienses erant scholæ linguæ *Hebraicæ*, & multi Judæi *Hebraice* loquebantur. Quod utique illo tempore, postquam nempe perierat lingua *Hebræa*, sine aliqua Grammaticæ scientia fieri vix potuit. Nulla quidem tum erant puncta, non tamen deerant vocales, illæ quippe seorsim notabantur, in iis paginis, ubi *Hebræa* Græcis exprimebantur literis. Vetusioribus vero Judæis nullas fuisse grammaticas, omnino probabile est. Si quæ enim exstiterent, felicius proculdubio versati fuissent in explicandis & eruendis etymis nominum propriorum, nec conati fuissent exponere ipsas quoque vocabulorum terminationes, quod factum fuisse passim videre est in libellis Hieronymi de explicatione nominum *Hebraicorum*. A Judæis concinnatos fuisse istos libellos extra dubium est. In multis etiamnum Bibliothecis Græce supersunt, & constat Origenem eos suis inseruisse operibus. In Lexico necdum edito, quod Cyrillo tribuitur, ad calcem subjunguntur istæ *Hebraicæ* expositiones. Attamen Lexicon istud non est Cyrilli, sed Origenis, seu potius Judæorum, a quibus Origenes accepit. In veteri meo libro, eraso Origenis nomine, Cyrillo adscribitur, quod ipsum quoque in aliis factum fuisse observavimus exemplaribus. Et sane nescio quo fato contige-

rit ut tam multa Origenis opera, præpostero tanti viri odio, attributa sint Cyrillo, homini neque doctrina, neque probitate, alteri comparando. Porro Hieronymus scriptum hoc de nominibus Hebraicis Philoni adsignat. Id si verum sit, non tamen exinde sequitur, illum Hebraice nescivisse, nisi existimemus Varronem & Platonem, quod & ipsi non feliciter etyma explicuerint, ideo etiam Latine & Græce ignorasse. Quamdiu linguæ florent, non solent Grammaticæ fieri. Licet vero Philonis seculo cessaret linguæ Hebrææ usus, major tamen illius, quam nostra ætate linguæ hujus supererat cognitio. Sed nescio, qua ratione fiat, ut complures viri docti Philonem & Josephum & plerosque Judæos, qui Græce loquerentur aut scriberent, *Hellenistas* vocent; vocem eam accipientes de iis qui Græce quidem, minus autem Hebraice scirent. Plurimum certe falluntur qui sic existimant. *Ελληνίζειν* non tantum est Græcorum linguam imitari, sed & partes Græcorum sequi, ut *Ρωμαρίζειν*, *Περσίζειν*, *Μηδικίζειν*, *Αρταγωνίζειν* imitare mores & ritus, aut stare a partibus Romanorum, Persarum, Medorum, & Antigoni, & illis quomodocunque favere. Constat enim Judæos bifariam fuisse divisos. Qui institutis & ritibus favebant patriis, illi inique ferebant jugum Græcorum & Romanorum, & inviti vectigal pendebant, parati etiam arma pro publica sumere libertate, neminemque alienigenam dominum agnoscere. Tales fuere Judas Gaulonita, Theudas, & illi qui zelotæ dicebantur, compluresque alii, qui veri & *ῥησται* volebant

bant videri Judæi, nec volebant Cæsarem vocare dominum, soli deo hanc appellationem reservantes. At vero illi qui pacatiori essent animo, & sine cunctatione vectigal pendebant, monerentque jugum a deo impositum æquo esse ferendum animo, isti dicebantur Græcorum partes sequi, ac propterea *Hellenistæ* ac *grieculæ* vocabantur. Tales quoque erant præcipue publicani & quicunque alii Græcis aut Romanis quocunque loco aut officio interservirent magistratibus. Peccant itaque Hieronymus & qui illum sequuntur viri docti, cum reprehendunt Tertullianum, quod in libro de Pudicitia scripserit, nullos inter Judæos fuisse Publicanos, persuasus loco Deuteronomii de quo ante egimus; *Non erit vectigal pendens in filiis Israel.* Quamvis enim & Matthæus Apostolus, & Zacchæus, & alii Publicani fuerint, id tamen nihil ad rem facit: cum enim Judæi Romanis essent obnoxii, utique a Romanis constituebantur Publicani; & pro illis non autem pro Judæis colligebant vectigal, ut mirum non sit exosos aliis Judæis fuisse Publicanos, ac gentilibus & peccatoribus annumeratos. Licet autem magna illorum pars Græci aut Romani esse potuerint, verum tamen est id quod Tertullianus subjungit, aliquos quoque e Judæis potuisse esse Publicanos, uti nempe illi quos diximus. Ut Alexandria, ita quoque Hierosolymis potestas exigendi tributa & vectigalia redimebatur a plus offerentibus: nec semper erant Græci aut Romani qui colligebant vectigal, sed ut nunc quoque fieri solet, ex illis ipsis quæ vectigal pendebant, eligeban-

tur

tur gentibus. Plurimum itaque peccant, qui putant *Hellenistas* dictos, qui Græci loquerentur, & *Hebraice* nescirent. Nam certe hac ratione sequeretur Christum *Hebraicæ* linguæ fuisse imperitum, utpote qui fuerit *Hellenista* cum jubet, ut Cæsari detur id quod est Cæsaris. In Actibus Apostolorum ubi fit mentio de viduis *Hellenistarum*, id intelligendum de illis, quarum mariti in officio seu stipendio fuissent Romanorum. Ut vero non eadem erat ratio eorum qui sinceri volebant videri *Hebræi*, ita quoque diversi erant gradus *Hellenismi* & *Hellenistarum*. Qui pro veris habebantur *Hebræis*, illi abstinebant ab omni gentilium sodalities, & militiam detrectabant, quod sibi licitum non esse crederent Sabbato iter facere, arma gestare, & iisdem quibus gentiles cibis uti. Horum aliquot exempla habemus in decretis apud Josephum, lib. xiv. in quibus immunitas a militia Judæis conceditur. Alii militabant quidem cum Græcis & Romanis, sed tamen quoad fieri poterat, mores & ritus patrios observabant, quorum aliquot exempla habemus apud eundem Josephum & alios. Supremus vero & præcipuus gradus *Hellenismi* erat, quando neglectis patriis ritibus, toti in mores & religionem Gentilium concederent, Tales erant illi, qui apud Josephum, lib. xii. cap. vi. Antiochum accedunt, paratos se esse dicentes relictis patriis institutis & legibus, religionem regis & Græcanicos sequi mores, adducentes sibi præputia, ut Græcis viderentur similes. Istiusmodi in lib. ii. Machab. cap. iv. dicuntur sub petasum cogi, *ὡς ἡ τράπεζα*
αὐτοῦ

ἄγαν, quia petasus Macedonicus imponebatur iis qui militiæ nomen darent. Talis vero habitus summus erat gradus Hellenismi, unde ibidem dicitur ἀπὸ Ἑλληνισμοῦ. Fusius aliquando hæc sumus profecuti, nequis imposterum Hellenistis Judæis peculiarem linguam aut dialectum affingat. Recte itaque vir magnus in duobus quos de lingua Hellenistica conscripsit libris, linguam eam explodit, peccat tamen in eo, quod Hellenismum ad solum referat sermonem.

Licet infinita sint ea quæ de futilitate hodiernæ Grammaticæ Hebrææ & commentitiis Judæorum punctis dici possint, hæc ipsa tamen, quantumvis pauca, sufficere possint, ut tandem aliquando resipiscant Christiani, & suam agnoscant imprudentiam, cum acrius & animosius in adstruenda utriusque commenti veritate, quam ipsimet depugnent Judæi. Ad probandam punctorum antiquitatem, ne ipso quidem dubitant abuti Christi testimonio, cum dicit unum iota aut unum apicem non periturum. Ostendant viri boni κεφαλαῖον notare punctum. Credant Galeno, credant omnibus Græcis grammaticis, cum affirmant vocem hanc significare virgulam rectam aut partem literæ, ut cum dicunt A duas habere κεφαλαίαι, N tres, M vero quatuor, & sic in cæteris. Itaque cum Servator noster unum iota vel unum nominant apicem, id non de Joth Hebræo, quod minimum duas, aut Samaritico, quod complures continet apices, sed de Græcorum intelligendum est iota. Verum nescio qua ratione factum sit, ut hoc nostro seculo plerique

rique fere docti Christum & Apostolos Hebraice semper locutos fuisse existiment, non autem Græce, quia nempe sanctior Hebræa ipsis videatur lingua, ac si in sono & crispatione linguæ sita sit sermonis sanctimonia, sanctiusque locuti sint olim Cananæi, quorum linguam amplexi sunt veteres Hebræi, quam vel Paulus vel Evangelistæ. Nullis profecto vel argumentis vel testimoniis nititur hæc opinio. Ubicunque jam ab Alexandri magni temporibus Græci fuere domini, ibi etiam Græca prævaluit lingua, & absurdum est unam excipere Judæam, cum & Josephus & Machabæorum libri satis testentur, quam prompti sub Græcis regibus fuerint Judæi, in assciscendis Græcorum moribus, adeo ut major pars Græci quam Judæi videre maluerint. Linguam Græcam, id est, linguam dominantium, etiam illi qui Græcos oderant, si intelligi & rebus suis vellent consulere, addicere cogebantur. Ut in Ægypto, Asia, & reliqua Syria; ita quoque in Judæa, nulla præter Græcam audiebatur lingua, in urbibus præsertim oppidisque. Soli illi qui rure & in pagis versabantur, aut denique vilis popellus dialecto utebantur vernacula, id est, Syriaca, & illa quoque seculorum lapsu plurimum immutata & facta semigræca. Ne in Hierosolymitanis quidem Synagogis alia præter Græcam personabat lingua. Quod si Hebræa prælegeretur Scriptura, accedebat interpretatio Græca, a solis quippe doctis intelligebatur vetus Hebraica lingua. Quamobrem si tuto cum Judæis congregari velimus, abroganda sunt

sunt puncta, quæ & Elias Levita & sagaciores Judæi novitia esse fatentur, & explodenda spuria ista & ab antiqua plurimum discrepans grammatica, quod eo facilius licebit, quod & ipsi quoque Judæorum magistri admittant, nullam aut admodum exiguam ante Rabbi Jehudam habuisse se Grammaticæ scientiam: relinquendæ denique omnes novæ versiones, & firmiter adhærendum versioni LXX virorum, quam & Christus & Apostoli & omnes antiqui agnovere Judæi. illi nobis exemplo sint, ut & nos quoque illam amplectamur. Quod si versionem hanc non admittant Judæi, ostendendum eos nullum habere fidei & religionis suæ fundamentum, si necdum advenerit Messias: & si quis sub hoc nomine comparuerit, illum non posse esse verum Messiam, utpote cujus tempus jam præterierit: at vero Christianos, qui huic versioni acquiescunt, & non hodiernis, sed antiquis credunt Judæis, & Christum prædicto a Daniele & omnibus Prophetis tempore advenisse statuunt, illos optimum & firmissimum religionis suæ habere argumentum. Auferrantur modo Judæis novitia puncta & novitia Grammatica, inermes erunt, & nulli homines ad veritatem facilius poterunt compelli. Solis his futilibus armis confisi, incautos eludunt Christianos, quorum est culpa ut hoc tempore aliqui in mundo reperiantur Judæi. Qua enim ratione Jacobi morientis vaticinium & Danielis hebdomades constare possint, si nec dum advenerit Christus? Quid demum de tota fiet sacra Scriptura, si per-

mittamus, ut hoc demum tempore, ex novitiis punctis, & spuria Rabbinorum Grammatica, novæ interpretationes, & novi & inauditi producantur sensus ad placitum Judæorum, religionis nostræ hostium, & vel propria confessione ignarorum linguæ Hebrææ? Esto ut in his expositionibus aliqua occurrant, quæ, permittentibus & simul ridentibus Judæis, Christiani sibi favere existiment; sed quis gentilis aut denique Christianus acquiescat interpretationibus factis postquam impletæ sunt prophetiæ, & quando verba aptantur eventibus? Si rectam insistere viam & adversarios obruere velimus, relinquendæ sunt prophetiæ eo sensu, quo acceptæ fuerunt antequam res implerentur. Hoc si fiat, ne quidem quod hiscant supererit Judæis. Desinant itaque tandem aliquando incauti & imprudentes Christiani futilibus istis Rabbinorum commentis majorem quam ipsi Judæi fidem tribuere, & sciant totum istum laborem, qui punctis & accentibus Hebraicis impenditur, æque vanum esse, ac sit studium eorum, qui circa hodiernos Græcæ linguæ versantur accentus, imo etiam vanius; licet enim utrique hac ratione corrumpunt & pervertant veterem pronuntiationem, minor tamen est culpa eorum, qui in lingua Græca id sibi licitum esse existimant. Cum enim omnes in hac supersint vocales, error tantum fit in syllabarum quantitate. At vero cum in lingua Hebræa perierint etiam vocales, non tantum in Prosodia, sed & in literis, & in sensibus peccatur.

A D

J U D Æ O S

AD vos nunc me converto, O Judæi, gens olim Deo dilecta supra omnes gentes; nunc non Deo tantum, sed & omnibus pene invisa hominibus. Iniquas vestras fortunas & calamitates, non vos tantum, sed & illi ipsi qui vos oderunt, deplorant. Sexdecim jam effluxere secula, ex quo in perpetuo exilio & captivitate dispersi vivitis, nec finis aut requies vestrae erit futura miseriae, antequam veniat ille, quem frustra hactenus expectatis Messias. Obstare vestra dicitis peccata, quo minus ille palam se vobis videndum exhibeat; & natum quidem prædicto a Prophetis tempore ante complura secula, sed clam se tenere, & inter leprosas ad portas urbis Romæ, aut etiam alibi, ignotum delitescere: verum tantane oculos vestros incessit cæcitas, ut quem omnes gentes & totus pene agnovit mundus, vos soli non videatis? Reducite velum quo vestri obnubilantur oculi, & nolite Messiam alibi quam in Evangeliiis quaerere. Iis si credideritis, jam statim rex & dux aderit, jam readificabitur Urbs Sancta, & totus mundus fiet Jerosolyma; jam quoque omnia quæ prædixere Prophetae contingent: denique qui nunc estis hominum contemptissimi, iidem forsan primi & præcipui eritis mortalium. Sed expectatis adventum Messiae gloriosum; atqui regnum ejus gloriosum non videbitis, nisi prius credideritis

in istud quod præcessit regnum, quando nempe in statu humilitatis mortalibus adparuit. Nolite ergo vestram & simul nostram morari felicitatem, & efficere ut vestra diutius culpa differatur regnum Dei & Christi, idemque pacis & justitiæ regnum, quod ut adveniat precibus nostris utrique quotidie flagitamus. Quapropter incubantem jamdudum pectoribus vestris excutite veterum, & si velitis tam gloriosi regni esse participes, neglectis aliis a quibus jam toties frustrati & decepti estis, verum agnoscite Messiam, regem pacificum, regem servatorem gentium, utinam & vestrum. Si Prophetis creditis vestris, æquum est ut huic quoque credatis. Quod si eum noli is admittere, necessum est ut falsa esse statuatis pleraque Prophetarum de Messia vaticinia & testimonia, utpote qui prædicto & definito non advenerit tempore. Vos itaque rogo & obtestor, ut vestras consulatis Scripturas, sed ea lege & conditione, ut neglectis versionibus & expositionibus, quas magistri vestri sero induxerunt, eos tantum admittatis sensus, quod superstitie etiamnum lingua Hebræa LXX. tradiderunt interpretes, quosque solos omnes approbarunt vestri majores, quique soli in omnibus admissi fuerunt synagogis, non tantum quamdiu fuere Jerosolyma, sed & toto quodæque seculo postea. Hæc si concesseritis, quæ sane æqua sunt ut concedatis, jam libens vestro permittam judicio, ut judicetis num fieri possit, ut sacrorum librorum constet veritas, si nec dum advenerit Messias. Nolite itaque istis quæ existimatis imputare peccatis, quod rex vester necdum vobis adsit; illis enim quibus omnes obnoxii sumus peccatis, abunde vestris videri possitis satisfecisse calamitatibus: uno hoc non satisfacitis,

facitis, quod regem, quem universus pene agnoscit orbis, necdum advenisse credatis; & secundum expectetis adventum, antequam agnoscatis priorem. Recognoscite ergo regem vestrum, & putate illum amore & caritate gentis vestræ, alterum suum differre adventum, ut longius respiscendi vobis indulgeat spatium; cum sit necesse ut gloriosum ejus adventum vestra pœnitentia & vestra præcedat conversio. Faxit Deus ut quæ vos excæcat, tandem aliquando recedat, vel auferatur nebula: & ut eodem Sacrarum Scripturarum imbuti intellectu, eademque fide conjuncti, eadem quoque Evangelia & eundem recognoscamus Messiam.

FINIS.

*Books sold by Moses Pitt at the Angel in St.
Pauls Church-yard in London.*

F O L I O.

Catalogus Impressorum Librorum Bibliothecæ *Bodleianæ* in Academia *Oxonienfi*, per *Tho. Hide. Oxonii e Theatro Sheldoniano*, 1674.

Charletoni (Gaulteri) M. D. Exercitationes de Differentiis & nominibus Animalium, quibus accedunt Mantissa Anatomica & quædam de variis Fossilium generibus, deque differentiis & nominibus Colorum. (Figuris) Oxonia e Theatro Sheldoniano, 1677.

Historia & Antiquitates Universitatis Oxoniensis Vol. 2. Oxonia e Theatro Sheldoniano. 1674.

Iamblichus (Chalcidensis) De Mysteriis Ægyptiorum, G. L. Interprete & notis Thomæ Galei, T. C. C. S. Oxonii e Theatro Sheldoniano. 1678.

Marmora Oxoniensia ex Arundelianis, Seldemianis, aliisque conflata; cum Comment. Humphredi Prideaux, Seldeni & Lydiati annotationibus. Oxonii e Theatro Sheldoniano. 1676.

Theatri Oxoniensis Encænia, five Comititia philologica, Jul. 6. Anno 1677. celebrata.

Ælfredi Magni Anglorum Regis Vita, a D. Johanne Spelman conscripta, & annotationibus illustrata, Oxonii e Theatro Sheldoniano, 1678.

Dr. Henry Hammon's Sermons. 1675.

Pococks (*Edw.*) Commentary on *Micha*
and *Malachi*. *Oxf.* at the Theater. 1677.

Taverneir (*Jo. Bapt.*) Travels through *Tur-*
key into *Persia*, and the *East-Indies*, (with Cuts)
Lond. 1677.

Charas (*Moses*) Royal Pharmacopœia Ga-
lenical and Chymical. *Lond.* 1678.

Webster (*John*) Displaying of supposed
Witchcraft. 1677.

Hugo Grotii opera Theologica, Vol.4. 1679.

Q U A R T O.

Historia *Jacobitarum* in *Ægypto*, *Lybia*,
Nubia, *Æthiopia* tota, & parte *Cypri* in-
sulæ habitantium, per *Abudacnum*. *Oxonii* e
Theatro *Sheldoniano*.

Votum pro Pace Christiana, Authore *Andr.*
Sall D. D. *Oxonii* e Theatro *Sheldoniano*. 1678.

Lightfoot (*Jo.*) horæ *Hebraicæ* & *Talmu-*
dicæ in *Corinthos*. *Parisiis* 1677.

Joannis Bonæ (*Cardinalis*) Opera Theol. 1677.

Binchii (*M. Joan.*) Mellificium Theologi-
cum. *Amst.* 1666.

Seldenus (*Jo.*) de Nummis. *Lond.* 1675.

Mercurialis (*Hier.*) de Arte Gymnastica,
(cum Figuris) *Amst.* 1672.

Mercatoris (*Nic.*) Logarithmo-technica.
Londini. 1667.

Gregorii (*Jac.*) Exercitationes Geometri-
cæ, *Londini* 1668.

Horroccii (*Jer.*) opera Astronomica, nec
non *D. Wallis* Exercitationes tres 1678.

Paladius de Gentibus Indicis & Bragmani-
bus *G. L.* *Lond.* 1665.

Fer-

Ferrarii (Alex.) Euclides catholicus. Lond.
1676.

Duporti Gnomologia Homerica. 1660.

*Les Motifs de la conversion a la Religion
Reformee Du Francois de le Motte. A Londres*
1675.

*Pharmacopee Royale, Galenique & Chmi-
que, par Moyse Charas. Paris. 1676.*

*An English Bible, with the Liturgy, Apocry-
pha, and Singing Psalms. Oxford at the Theater,*
1675.

St. Bernard's Sermons, in English. 1677.

*Cook (John) Sermon before the Lord Mayor,
December 19. 1675. on John 8. 34. 1676.*

Modest Survey of Naked Truth. 1676.

Pell (John) Introduction to Algebra. 1668.

*A Sermon at the Marshal Turenne's Funeral,
December 15. 1675. 2 Sam. 3. 32. 1677.*

*Tillotson's (Jo.) Sermon before the King,
April 18. 1675. Psal. 119. 60.*

*Twisden's (Sir Roger) Historical Vindica-
tion of the Church of England. 1675.*

*Wilkins (Jo.) Sermon before the King, March
7. 1669. on Prov. 13. 16, 17. 1674.*

*Sermon before the King March 19. 1670. on
Ecclesiastes 12. 14. 1671.*

*Cole (Gilbert) Conferences against the
Church of Rome, Oxford at the Theater. 1674.*

*Allestrey's (R.) Divine Authority of Scrip-
ture, a Sermon 2 Tim. 3. 1 . 1673.*

*Character of the Last Day, a Sermon before
the King, 2 Pet. 3. 3. by John Fell Lord Bishop
of Oxford. 1675.*

*Clarendon (Edward Earl) Survey of Hobbs's
Leviathan. Oxford at the Theater, 1676.*

